


DS
793
E32 P636
1736
V13



册 3
卷 7-10

平陽府志卷之七

城池

語曰衆志成城此主乎治教言之耳觀於大易有設險
之文周禮載掌固之職城郭溝池蓋可忽乎哉彙十二
州邑陴隍爲一冊廣狹異制向背異形依山阻水各從
其宜要之相度經營增修繕治前人之成勞在焉備著
本末示不敢忘至於謹封守時啟閉雖有金湯無忘綢
繆是在守土者加之意而已作城池志

府

臨汾縣

附郭

昔傳魏王豹建唐武德元年移治白馬城貞觀十二年
又移治於平陽古城後徙今治明洪武初因舊城重築
景泰初修周十一里二百二十八步高四丈五尺外包
以甕池深二丈五尺門四東曰武定西曰和義南曰明
德北曰鎮朔外各建月城上各建樓角樓四座敵臺八
座窩舖九十七座國朝康熙三十四年地震盡塌奉
旨發內帑
命工部員外郎倭倫平陽府知府王輔重築共一千五百
八十四垛四十六年南門外西角牆圯知府劉榮倡屬
捐俸重修

東關城

正德七年同知李滄築周一千二百六十四丈
高二丈五尺上廣九尺下基二丈敵臺八座正

門小門七座嘉靖二十一年知府聶豹稍重修之邑人
王瑞董其事隆慶二年知府毛自道重修王瑞子舉人
王嘉禮董其事增高爲三丈二尺上廣一丈八尺下基
三丈外包以磚正門小門樓臺俱增高廣添角樓臺四

座增敵臺爲一十七座
國朝康熙三十四年地震坍塌邑紳王名穀賈鎔蔣統倡首捐貲重築

市鎮

東關 喬村 吳村 劉村 泊莊 金店

附載各堡

伊村堡 高河西堡 喬村堡 吳村堡 劉村堡

泊莊堡 金店堡

襄陵縣

宋天聖元年自宿水店徙縣治于此始築城元至正十三年縣尹岳貞重築明正統十四年知縣趙聰展築周五里一百六十步治十四年知縣李高重建東南城樓嘉靖二十一年知縣劉希召增修高三丈基厚二丈

頂厚一丈門三東曰帶汾南曰迎薰北曰屏霍各有郭門副使毛某記四十年知縣張國彥闢城開東南門曰大成門隆慶元年知縣宋之韓增修高厚甃以磚石大學士張四維記國朝康熙三十四年地震東北牆傾塌數十丈知縣惲東生修未竟四十六年知縣宋繼均加修梁口及樓併門俱完整焉

市鎮

南關 北關 東關 河頭 京安 林趙曲 隆林堡

附載各堡

東柴聚東堡 東柴聚西堡 南辛店東堡 南辛店

西堡 義店堡 京安鎮堡 李村堡 劉莊堡 西

徐堡 鄧村堡 中陳堡 大陳堡 司馬堡 東王

堡 崔村堡 賈罕堡 杜村堡 許留堡 北太柴

東堡 北許堡 卽許褚堡 三國時立 黃崖莊堡 南蘭村堡 南

許堡 北關堡 北賈堡 西賈堡 北戍南堡 北

戍北堡 賈朱堡 西王堡 馮里堡 靈伯堡 辛

店堡 張槐堡 梁坡堡 趙曲堡 荆村堡 趙店

南堡 趙店北堡 鄧曲堡 赤鄧堡 陶寺堡 段

村堡 南柴村堡

洪洞縣

邑治舊在今范村爲楊侯國城世傳晉大夫叔向所築
漢爲楊縣隋徙今地舊無城明正統十四年始創築土

城周五里高一丈六尺厚八尺池深八尺門六各建小樓景泰初知縣趙翔重修治十二年知縣邢昭復修開馬路十七年知縣鄭選補修東南城堵正德六年知縣皮正稽謀之手韓忠定公請邑紳李杲督工增築四隅建角樓女牆甃以磚門額東曰賓陽東南曰安流南曰迎薰西曰拱汾北曰望霍東北曰玉峯嘉靖十五年指揮張世朝作亂知縣咎如思拒守賊畏城堅乃逸去趙統記其事隆慶元年邑紳晉朝臣韓廷偉等倡義輸財甃甃全城益增高廣計高三丈五尺女牆六尺厚二丈周圍較舊寬二百五十步有奇知縣王詔於六門上改建高樓并角樓窩鋪二十三座池闊三丈深半之制府西蜀高文薦記崇四年知縣李喬崑增高東北城丈餘七年知縣楊天精增置敵樓四敵臺十有二十三年知縣王廷掄加建月城重門國朝康熙四十四年知縣杜連登重建北門城樓四十九年知縣陳兆素重建南門城樓五十四年知縣薛愷重修梁口雍正七年知縣余世堂重建西門城樓兼修甃門濬池七百六十餘丈九年復捐修小南門樓

護城沙堤

明 治間知縣鄭選創基嘉靖二十年知縣陳宗仁補築萬 四十五年知縣馬鳴世修

壘石堞上下亘五七里高厚二丈內外夾樹 國朝順

治九年知縣金貴補築康熙三十四年地震後圯知縣

杜連登重修 明縣志瀕澗河居民多引漑田夏秋雨

水暴漲坍臨崖地且盡 治十七年水北溢塌城垣乃

築隄護之按此則堤又為

縣城之保障故附志于後

市鎮

普潤街

舊名北關

崇儒街

舊名東關

忠定街

舊名牛站

警晨街

舊名小東關

甄城街

舊名賈家十字

宣化街

舊名南關

萬安鎮

曲亭鎮

郭盆

鎮

故邏鎮

舊名敬安

楊曲鎮

舊名趙村

附載各堡

萬安鎮堡

楊曲鎮堡

寶崖堡

秦壁村
東北

浮山縣

唐長興中築周四里一百二十步高二丈五尺壕深一丈南臨深塹數百尺蓋天險也門四明景泰初知縣衛靖增修東曰朝陽南曰阜民西曰大有北曰平寧各建城樓正德八年知縣徐環重修嘉靖二十三年知縣毛述古重建城門國朝康熙三十四年地震圯知縣盧承宗重修雍正九年邑紳張垚張太統等捐資甃甃四門復建南北城樓署知縣事錢標記

市鎮

東張鎮

王村鎮

省志題女里

各堡無

營田堡 安定堡 楊堡 王樂里堡 柴村堡 一胡

坦里堡 梗壁堡 韓侯堡 羅雲堡 師村堡

太平縣

唐尉遲恭始建堡貞觀七年以徙縣於此遂為城東門
二南北西門各一明景泰初知縣岳嵩修周三里六十
五步高四丈池深一丈五尺門五正德間知縣龔進展
築周三里二百四十步高三丈上厚一丈五尺池深二
丈六尺闊三丈門樓五角樓四知縣盛琛竣其功嘉靖
十四年知縣耿儒易堞以甃計一千一百八十有奇邑
人李鉞記二十六年知縣牛綱創築敵臺二十座三十
二年知縣袁從道建亭隆慶二年知縣羅潮補修浚池
深廣各四丈崇四年知縣魏公韓申請易石為基悉
磚甃高四丈一尺上厚三丈不等周一千四百步有奇
增建南北層樓官紳士民捐助共成之有文以記其事
國朝康熙十八年知縣吳軫重修

市鎮

古城鎮

即後魏初設邑治也

北固縣

趙康鎮

東為古晉城地

清儲鎮

汾陰

山之麓有

侯公祠

汾陽鎮

相傳晉大夫趙成子宣子產此村旁有趙宣孟廟

史村鎮

在汾

河北柴

西為古晉城地

附載各堡

西村堡

東莊裏堡

西賈堡

萬故縣堡

南劉村

堡

東劉堡

南賈堡

丁村堡

敬村堡

解村堡

柴莊堡

伯皇村堡

北社堡

蒙坑堡

沙女堡

史村堡

共有九

東坡堡

西彭村堡

東彭村堡

德

西毛堡 西張堡 萬東毛堡 張壇堡 北衆堡

馬村堡 關莊裏堡 上魯堡 南董村堡 東牛堡

西吉堡 東吉堡 單家莊堡 定興堡 清儲鎮

堡 東汾陽堡 小趙堡 北趙堡 南趙堡 大趙

堡 西汾陽堡 趙康鎮堡 牛席堡 趙雄堡 北

柴堡 北史威堡 共有二 楊威堡 橋南關堡 北良陌

堡 南良陌堡 焦村堡 趙豹堡 北王堡 李村

堡 高莊裏堡 南王堡 南毛堡 義西毛堡 孝

付堡 南膏腴堡 北膏腴堡 南賈坊堡 北賈坊

堡 南賈岡堡 北賈岡堡 張高村堡 北中黃堡

西中黃堡有碑三公村堡 尉村堡 西安平堡 李

果村堡有薛莊堡 西曹路堡 東曹路堡 北焦彭

堡 南焦彭堡 南相李堡 北相李堡 站里堡

南安平堡 姚吉村堡 吳村堡 鄧村堡 關村堡

古城鎮堡 西李堡 郭店堡 南李堡 北李堡

東李堡 南小張堡 連村堡 大張堡 申村堡

南高堡 柴王堡 北董村堡 景毛堡 北故縣

堡 堡頭堡

岳陽縣

隋大業二年改安澤縣為縣城元至正二十八年守禦
斷事宋恭肅知縣段文質修築周二里一十二步高三
丈上厚一丈二尺基厚二丈池深五尺南北二門明景
泰初知縣劉與居重修成化二年水衝城圯僅存遺址
治間知縣姚顯繼修嘉靖十年知縣周冕加築西關
土城御史許翔鳳記萬四十四年知縣羅日瑞磚甃
北門崇六年知縣喬王翰石砌東城一角九年知縣
戢邦禮石包東一面李夢辰記國朝順治十二年知
縣郭奇勲修北城一面康熙元年以後知縣李丕先
時可朱亮承盧振先王最陞先後增修

市鎮

府城鎮 冀氏鎮 和川鎮 故縣鎮

附載各堡

安民堡

卽連城
西堡

喬岳堡

卽連城
南堡

灣裏堡

五馬堡

東

池堡

堯典堡

故縣堡

永樂堡

高邑堡

曲底

堡東里堡

藍村堡

孔村堡

高壁堡

和川堡

唐城堡

亢驛堡

賈寨堡

弱柳堡

羅家山堡

辛莊堡

高城堡

徐村堡

賈村堡

左村堡

曲沃縣

隋開皇十年自樂昌堡徙治今址始築土城明洪武二年縣丞邢彥文重修正統十四年知縣張寧大加修葺周三里五十步高二丈五尺厚如之門四池深二丈五尺闊四丈缺東北角正德十一年知縣葛禴增築易以甃建四門樓角樓周圍鋪舍二十五座舊城無北門嘉靖二十二年知縣陳萬言自舊城東北西南二角接築

高厚如舊城周六里五十步計聚口四百七十炮臺二十五座始闢北門一東門二南門二西門一合舊西門二爲八門東曰來青小東曰迎旭南曰挹薰小南曰德暉上西曰上升中西曰中興下西曰德潤北曰星拱二十八年知縣劉魯生建東西城樓三十四年地震知縣張學顏重修塚口隆慶初知縣郭廷梧增築內外城共高三丈五尺崇禎三年知縣張文光築各門月城十五年知縣石瑩玉甃甃北門城國朝康熙二十四年知縣何遵約二十七年署縣事翼城令司鉉先後重修三十四年地震知縣潘錦次第修築西門城樓月城弔橋

市鎮

順城關廂 蒙城鎮 侯馬鎮 西莊鎮 曲村鎮

高縣鎮 王村鎮 東閭鎮 下鴈鎮 隘口鎮

各堡無

翼城縣

舊治在翔臯山下以山形如鳥舒翼故名後唐長興四年因王逢屯兵故寨遂徙於此卽今治也元至正十九年統軍元帥葉企顏補葺周六里有奇高六丈四面懸崖中間地勢大半與女牆平東南近澮水從坡入無池西北臨溝壑由橋入池深數丈門四曰東聯澤潞南潞澮水西帶河汾北枕丹岩門樓四奎光樓一明景泰初知縣徐重修正德間知縣靳顏輓鬻女牆嘉靖四十五年知縣陳錡萬七年知縣周詩先後重修崇四年知縣李士淳更建重門八年知縣趙堪設子城一繕垣濬壕國朝康熙十二年知縣陳應富加築女牆二十五年知縣司鉉重修三十四年地震後城四門金橋路塌壞邑人上官澍捐修惟角樓奎光樓城堞盡圯未修四十五年知縣馬文鏞繼修

南關外郭 三面倚城明崇五年知縣李士淳創里人李訥捐貲築有記

北關外郭

邑東北隔溝因崖勢修築舊郭里人陳策捐貲獨成歲久損壞崇

國朝康熙三十四年地震北門金樓塌壞里人衛景秀募修

市鎮

城外四關廂

市

北常鎮

中衛鎮

北橄鎮

隆化鎮

南常

桐城

鄭壁

附載各堡

四關堡

北常鎮堡

中衛鎮堡

北橄鎮堡

隆化

鎮堡

南常堡

桐城堡

鄭壁堡

汾西縣

宋太平興國七年徙縣治主簿趙彥修築元縣令李克初重築明景泰初知縣陰俊補葺周四里高二丈厚一丈門四東曰望霍南曰迎薰正北曰拱極迤西曰仁和有壕惟西南無壕陡臨深壑治七年知縣路欽建重樓四嘉靖二十年知縣黃甲重修萬三十四年知縣毛炯增築四門甕城女牆門甕以磚國朝康熙四十六年知縣金舜白修五十二年知縣吳振極重修雍正七年知縣武紹周再修

市鎮

城內四街

四市

芹香鎮

通志作勅香鎮

鳳頭鎮

水潤鎮

附載各堡

古郡堡

上團栢堡

下團栢堡

黃皮堡

對竹堡

掌禮堡

店頭堡

水潤堡

畢家莊堡

高寧堡

槐花村堡

靈石縣

隋開皇十年駕幸太原傍汾河開道獲石有文曰大道
永吉以爲瑞乃于其地建城元至正二十四年同僉朱
貞因舊城築高二丈厚八尺明洪武間知縣張先重修
正統間知縣張翼展闊北面三百餘步計周三里一百
八十八步高三丈九尺重壕二道深廣各八尺門四正
德間知縣孫璵主簿郭清增築建南北城樓四隅角樓
後山水暴至東城圯署事照磨白繼宗補築嘉靖間知
縣种奎重修甲辰汾河溢西南城圯知縣汪文炤李微
相繼修葺隆慶間知縣申嘉言增高六尺幫築裏城七
尺砌甃堞女牆門樓舊惟有南北二門萬元年知縣
曹乾闢東西門題額東曰開絃南曰正明西曰樂泮北
曰承恩三年水溢城壞知縣白夏補築砌城角石堰建
東西城樓及南甕城復建穿廊防東南山水敵樓四座
窩舖十座國朝順治六年知縣趙希普重修康熙四

十二年知縣梁國光重建窩舖并修築南北城及門樓

市鎮

水頭鎮 索洲鎮 仁義鎮 雙池鎮

附載各堡

索洲堡

縣北二十里索洲鎮東山上士民修建

冷泉堡

縣北四十里冷泉關東山上係一邑

險要舊設管兵鎮守居民因而建堡居焉

靜昇堡

縣東二十里靜昇村北山上遇亂避兵一方恃為保

障 仁義堡

縣南四十里仁義鎮北山上即劉武周修築屯兵以拒唐兵處四面斬削山壁立峭拔若

天成者極為完固唐太宗興仁義之師破之故名

桑平峪堡

上村堡 縣東北山上土

民修建以上六堡俱有土城梁口門樓內有居民

霍州

舊在趙城西南後徙東南三里仇池壁又徙汾河西三里復徙今治隋郎將宋老生嘗屯兵於此年久城圯元提控平陽太原兩路橋道霍州長官程榮復立城池明景泰元年同知張莊修築周九里十三步高二丈池深八尺門四曰唐谷朝陽汾水鳳棲成化初知州張圯重修正德間平陽府通判柴凱加築高廣倍舊制各置層樓舖舍嘉靖二十七年東門圯知州陳嘉言重建三十六年知州楮相重修各門樓更題額以新之東曰春熙南曰望陽西曰安成北曰拱極 國朝康熙四十六年知州孔興璉重修

市鎮

辛置鎮

師莊鎮

附載各堡

轟轟澗村堡

蠟墓灣堡

虱谷堡

羅澗堡

鳳棲

堡

龍泉堡

李澗堡

石鼻堡

陣村堡

龜兒溝

堡

陽府志

卷八十一

三

平陽府志卷之八

公署

物久必敝及其未敝而圖之則易爲力郡內外暨各州
邑自官舍庫藏與其他一切廨宇凡繫官者無慮千百
楹創構以來廢而修者屢矣鳩工庀材良非細故蒞斯
土者時其葺治俾勿卽於壞所謂無侈前人無廢後觀
斯已耳彼夫輕用民力無故改作以華侈是尙者固不
可若視同傳舍不甚愛惜或者又益之蹂躪焉有心者
亦必不若此噫工不鬼役物不天來念之哉作公署志

太原總鎮署

在城西北隅明德坊 國朝康熙二十二年移駐於此

遊擊署二

左營在太平坊東北街
右營在普佑坊東北街

守備署二

左營在崇道坊南北街
右營在景行坊東南街

以上俱鎮標

叅將署

崇道坊西大街

守備署

崇道坊南大街

以上俱平陽營

府署

舊在城西北隅明永樂二年改建城西天順間知府姜德政正德間知府閔槐前後增修 國朝康熙三

十四年地震塌毀殆盡

上發帑金遣戶部員外倭倫同知府王輔重建四十五年

知府劉榮五十六年知府祝增雍正九年知府李興乾

隆元年知府章廷珪重修大堂懸

聖祖仁皇帝御書寬簡便民匾額

前知府王輔又

清素匾額
馬前知府秦棠

大堂 戒石亭 東西六房 儀門 大門 東西牌

坊 乾隆元年知府章廷珪建 內宅 在二堂後

清軍廳署 在儀門外東

督糧廳署 在府宅西地震圯移建府宅東

理刑廳 在清軍廳東裁

經歷司 在堂東

照磨所 在堂西

司獄司 儀門外西雍正八年裁

府學教授署

在普佑坊文廟東

訓導署

同上

土地祠

儀門內西

馬神廟

大門外東

寅賓館

儀門外西廢

譙樓

在府治東俗名小鼓樓康熙四十六年知府劉榮重建

陰陽學

醫學

俱府治東

僧綱司

道紀司

俱無定所

織造局

府治東關廟旁

清軍局

在小分司北明正德間同知李滄建

兵器局

府治東北

稅課司

在東關今裁稅歸本府徵收

庫

大堂東曰豐西曰實

建雄驛

舊在北關今移城內

建雄遞運所

北關今廢

平陽衛

府治東北裁廢

演武場 城西北明萬曆三十六年建

臨汾縣署

舊在府城西明永樂元年徙於感化坊因晉山書院改建 治間知縣許莊正德間知縣趙統

重修

國朝康熙三十四年地震圮

上發帑金遣戶部員外倭倫督同知縣彭希孔重建五十

年五十二年知縣宮懋言先後增修

大堂

戒石亭

東西六房

儀門

大門

內宅

二

後堂

贊政廳

幕廳

俱廢

縣丞署

大堂西

典史署

大堂西南

巡檢司

在張村岔今裁

儒學署

在縣治西崇道坊

土地祠

儀門內東

馬王廟

儀門內東

蕭曹祠

儀門外東

旌善申明亭

在普佑坊火廢

庫

大堂西

獄

儀門內西南隅

惠民局四

月城內萬間建今廢

生園

北關外舊建雄驛萬間建今廢

普濟堂

在南關雍正二年建

育嬰堂

在南關雍正二年建

養濟院

舊在東關今廢雍正十三年臨汾縣知縣姚興瀋在北關重建

大教場

南門外八里

小教場

縣治東南

行署

試院

舊在如京倉東提學道王三才創建有記後改提督府遂移建試院于鼓樓東南舊交城主府國

朝康熙三十四年地震毀知府王輔重建四十六年劉榮增拓舊基內外重修

察院

縣治西

布政分司

縣治西南

按察分司

縣治南

分巡道小分司

縣治南

以上四署地震後俱廢

襄陵縣署

城東北隅宋天聖元年自宿水移晉橋卽今治金泰和間縣令韓旭修元至正間縣令王嘉改

建明洪武二年知縣余正重修國朝康熙乙亥地震圯知縣諸來晟憚東生宋繼均吳世雍趙懋本續修

大堂輝東生重建戒石亭東西六房儀門俱諸來晟重建大門

輝東生重建內宅大堂後宋繼均重修

贊政廳大堂東輝東生重建幕廳大堂西廢

縣丞署縣大堂西縣丞朱鉞重建今裁

典史署縣堂西南

儒學署在縣治西南康熙間敕諭康體元張寅訓導高尙志重修

陰陽學縣治西廢醫學縣治西廢僧會司聖壽寺內道會司縣治西廢

稅課司迎薰門外今廢

土地祠大門外西鄧侯祠關帝廟

施善亭

申明亭

似廢

寅賓館

譙樓

俱廢

庫

康熙五十七年
縣令周之翰建

獄
雍正九年知縣趙懋本重修

演武場

縣南雍正八年知縣趙懋本重建

普濟堂

縣治南關雍正二年建

育嬰堂

縣治南關雍正二年建

養濟院

縣治西南興義街雍正十年知縣趙懋本重修

漏澤園

廢

行署

察院

縣治西南興義坊街西

布政分司

在縣治西南關興義坊街東

按察分司

在縣治西南明禮坊街北

府館

在縣治西南興義坊街東俱廢

洪洞縣署

十字街東舊在范村隋義寧元年徙今治明洪武三年知縣楊茂建嘉靖間知縣浦鑑王大任

隆慶間知縣王誦相繼重修國朝康熙三十四年地震毀知縣李宣重建

大堂

戒石亭

東西六房

儀門

大門

內宅

在二

堂後

贊政廳

廢

縣丞署

縣宅東今歲

典史署

丞署南

儒學署 縣治東北

稅課司 舊在曲亭鎮後移城隍廟街西今裁

陰陽學 醫學俱縣治西 僧會司 道會司 俱無定所

土地祠 儀門外東

旌善亭 申明亭 俱廢

寅賓館 譙樓 儀門上

庫樓 大堂東 獄 在儀門外

普潤驛 在縣北關 普潤廠 今廢

演武場 縣南門外二里許通駟橋南明嘉靖間知縣陳宗仁建

普濟堂

北門外雍正二年建

育嬰堂

北門外雍正二年建

養濟院

朝陽坊北雍正七年知縣余世堂重修

漏澤園

廢

行署

察院

在縣治東今廢

布政分司

在縣治東朝陽坊今廢

按察分司

在縣治南今廢

府館

在按察分司西北今廢

楊曲鎮公館

在縣南二里明萬

間知縣喬因羽設

又公館二所

一在縣治前一在縣治東知縣趙三長創建有記

浮山縣署

在城東唐同光二年自郭城移今治元改神山

知縣趙思義各增修嘉靖間知縣許安萬間知縣楊

逢春趙應斗重修國朝順治六年毀知縣安應耀重

建

大堂 戒石亭 東西六房 儀門 大門 內宅

堂

後

幕廳 大堂東

典史署 在堂東南康熙年間典史戴曰杲建

儒學署 在縣治西

陰陽學 醫學 縣治東 僧會司 羅漢 道會司 三元廟

土地祠

儀門外東

寅賓館

土地祠前

庫

大堂後東康熙年間知縣盧承宗建

獄 儀門外東

演武場

北門外

養濟院

西門內城隍廟後

普濟堂

育嬰堂

行署

察院

在縣治東桂林坊

趙城縣署

城東舊在城西爲汾水所壅明宣德五年知縣楊贊移建今治薛瑄有記其後知縣何子聰古

儒同明倪繼志邢倫相繼增修康熙五十五年知縣羅興義復修

大堂 戒石亭 東西六房 儀門 大門 內宅 在二

後堂

贊政廳 大堂東

縣丞署 在後堂東裁

主簿署 在後堂西裁

典史署 在堂東南

儒學署 在縣治西南

陰陽學 縣治南 醫學 縣治東 僧會司 寶嚴寺 道會司 天寧觀

土地祠 儀門內東

賓賓館

儀門 譙樓 大門上
外東

旌善亭

申明亭 大門外東西

庫

大堂 獄 儀門內西
東

演武亭

城東北三里

養濟院

南門內 知縣安錫祚
建

普濟堂

育嬰堂

行署

察院

在縣治東南

布政分司

在縣治東南

按察分司 在縣治西南

府館 在縣治西南信義坊

太平縣署

在城東南隅唐貞觀七年建歷五代及宋燬於兵金天會八年縣尹畢景魯重建大定間縣尹

鄭景甫元至元間建魯花赤明理明洪武二年知縣鄧普顏不花七年縣丞毛煜成化間知縣李諱治間知

縣尹琰各重修嘉靖三十四年地震傾圮隆慶元年知縣羅潮重建知縣鄒學魯胡連俱增修國初兵燹康

熙十五年知縣吳軫重建邑人王奐曾記

大堂 戒石亭 東西六房 儀門 大門 內宅 在

堂後

幕廳 廢

典史署 大堂東

儒學署 縣治西北教諭宅係康熙四十年教諭牛敬修增修訓導宅係康熙二十八年知縣趙心忭創建

陰陽學 俱縣治
醫學 俱縣治
僧會司 慈氏院
道會司 長春觀

稅課局 廢

土地祠 儀門外東
六神祠 蕭侯祠二祠在儀門左右

寅賓館 六神祠東北
譙樓 縣治西

申明亭 舊在縣治東
治間知縣尹球改建縣治西

庫 大堂左右
獄 縣治西
輕犯倉 寅賓館東

史村廠 城東四十里史村

演武場 縣南三里

養濟院 縣北關雍正三年知縣劉崇元重建

普濟堂

育嬰堂

漏澤園 厲壇東

行署

察院 譙樓西

布政分司 縣治西

按察分司 縣治東

府館 縣治西

岳陽縣署

在儒學東金大定二年縣尹劉榮祖建明洪武二年知縣楊守忠修景泰間知縣劉英嘉靖間

知縣周冕各增修

大堂 戒石亭 東西六房 儀門 大門 內宅

在二

後堂

幕廳 大堂東

典史署 縣宅東

儒學署 縣治西

陰陽學 醫學 俱縣治南 僧會司 大覺寺 道會司 真武廟

土地祠 儀門內東 譙樓 縣治東一名岳陽樓今祀奎星于上又名奎星樓

旌善亭

申明亭

俱縣治南

庫

大堂 獄 儀門內西

養濟院

北關

普濟堂

育嬰堂

康熙四十五年知縣
王昌祚奉文建

漏澤園

縣北

行署

察院

南門內

布政分司

縣治東今改義倉

曲沃縣署

在舊城東北隅明洪武二年縣丞邢彥文建成
化七年知縣商隆正德十一年知縣葛禴萬

十三年知縣何出光各重修三十七年知縣趙彥復增
修

大堂 戒石亭 東西六房 儀門 大門 內宅 二在

堂 後

幕廳 大堂西

縣丞署 縣宅東雍正六年裁

主簿署 縣宅西裁

典史署 縣丞宅前

儒學署 縣治西

陰陽學 醫學 俱縣治西 僧會司 東禪寺 道會司 玉清觀

稅課司 在縣治南今裁

土地祠 大門內西 馬神祠 大門內西 蕭公祠 吏廨 獄神祠 在獄內

寅賓館 大門內東 譙樓 舊城東門 鐘樓 縣治西南

旌善亭 大門外左 申明亭 大門外右

庫 大堂東 獄堂 西

蒙城驛 縣西北四十里 侯馬驛 縣西南三十里俱萬十年知縣沈時叙建 侯馬遞

運所 縣西南洪武八年建今廢

演武場 城北正德十三年知縣侯秩建

養濟院 縣治東順治十七年邑人賈生芝重建 普濟堂 在城

育嬰堂 在城 漏澤園 一在城北一在城西邑人賈漢復建

行署

察院 縣治西

布政分司 縣治西

按察分司 縣治西

府館 在縣治東南

翼城縣署 在城南隅舊治在王逢寨東南即今布政分司署後唐長興元年縣令張仲溫建明洪武四年

知縣李諒因澮水浸泊徙置今地訓導靳柱有序嘉靖間徵縣丞張鴻重修知縣賈名儒周詩增修崇十四年知縣趙堪重修國朝康熙四十年知縣馬文鏞再修

大堂 戒石亭 東西六房 儀門 大門 內宅 在二

後堂

縣丞署 大堂東北康熙四十七年裁

典史署 大堂東北

儒學署 縣治西

把總署 在吳村

陰陽學 在預備
醫學 陰陽學
倉東 北俱廢
僧會司 華嚴
道會司 紫陽
院 官

稅課司 在剪桐坊今廢

土地祠 儀門外西

寅賓館 儀門內
譙樓 在庫
鐘樓 衙道街
東今廢 上

申明亭

大門外東

旌善亭

大門外西

庫

後堂

獄

六房西南

演武場

西關南

養濟院

馬莊廟北

普濟堂

育嬰堂

漏澤園

演武場西

行署

察院

在城隍廟西

布政分司

在縣治東卽舊縣治內有文潞公軒

按察分司

在縣治西

附館 在察院西康熙三十四年地震圮

吳村公館 距城五十里

汾西縣署

在禮義坊宋太平興國七年主簿趙彥建明成化二十二年知縣陳文英修萬八年知縣王

自謹拓修二十年知縣王寶改建崇元年燬知縣孫以約重建有記

大堂

雍正十二年知縣李運昇修

戒石亭

東西六房

儀門

雍正十二年

年知縣李運昇修

大門

雍正十二年知縣李運昇修

內宅

二堂後

幕廳

大堂東久圮側置里馬廐三楹

國朝康熙九年知縣蔣鳴龍重建

縣丞署

在堂東

典史署

在儀門西

儒學署 縣治西

陰陽學

醫學

俱縣治東

僧會司

巖樓寺

道會司

關帝廟

土地祠

儀門內東

寅賓館

土地祠前

旌善亭

申明亭

俱在縣西南

庫

大堂西

獄

六坊西南

演武場

東門外

養濟院

普濟堂

育嬰堂

漏澤園

城西

行署

察院 東門內明知縣賈宣建蔣鳴龍修

靈石縣署

在聞弦門街北明洪武十一年知縣張先建正德六年燬知縣孫璉縣丞石宗璽重建嘉靖間

知縣董大經申嘉言萬 間知縣白夏遜有增修 國朝康熙三十八年知縣郎國璽重修

大堂 戒石亭 東西六房 儀門 大門 內宅 在二

堂後

幕廳 大堂西

縣丞署 二堂東雍正三年裁

典史署 縣丞署南

巡檢司 在冷泉鎮順治十六年裁

儒學署 在樂洋門內

陰陽學 察院街南 醫學 縣門街南 僧會司 惠濟寺 道會司 瑞雲觀

土地祠 儀門外

寅賓館 土地祠東 譙樓 縣治西

申明亭 大門東

庫 大堂東西 獄 六房西南

瑞石驛 南門外高崖頭鎮隋開皇間獲瑞石於此故名國朝雍正八年裁瑞石遞運所

今廢 仁義驛 縣南四十里仁義鎮 仁義廠 今廢

演武場小水草場惠濟寺東

養濟院城東北普濟堂

育嬰堂
漏澤園水門外東山下

行署

察院二一在証明門東一在冷泉鎮

布政分司在城東南隅

按察分司在闕茲街南

又公館二所一在冷泉鎮察院署西街一在仁義驛東

霍州署城東街宣化坊元初權為行邸大德七年地震圯八年監州失利不見同知州李伯淵修葺至正十

八年燬明洪武四年州同知呂稷建成化間知州張玘
鮑克恭嘉靖間知州褚相湯克寬增修

大堂 戒石亭 東西六房 儀門 大門 內宅 在

後堂

州同知署 在州治後裁

州判署 在州宅西雍正四年裁十年改千總衙署

吏目署 儀門外東

儒學署 州治西南

千總署 卽州判署改設者

陰陽學 州治前 醫學 南門內 僧正司 西福昌寺 道正司 太清觀

稅課司 儀門外今廢

土地祠 儀門外東

禮賢館 大堂西南 譙樓 大門內

旌善亭 申明亭 俱儀門外西舊在州前街南嘉靖間知州湯克寬改建于此

庫樓 大堂前東 下庫 大堂西 獄 治西

霍山驛 東關雍正八年裁 霍山遞運所 布政分司東

演武場 州城北

養濟院 州前南小巷

普濟堂

育嬰堂

行署

察院

在州治西南

布政分司

在察院西

按察分司

在潞清坊東今圯

府館

在城西南隅

小分司

二處在布政分司署左右

平陽府志卷之九

學校

學校之設徧天下規模制作沿有定式其在平陽猶他郡也其在屬邑猶郡治也以其爲教化所自興人材所從出故不敢溷之一切官廨中別爲一褰以明治之所重有在乎斯董正倡率守土者與有責焉而師之所以教與弟子之所以學其亦宜崇正黜浮相率而勉於聖賢之路也與作學校志

府儒學

在大中樓東舊在府治前宋紹聖中建元大德中地震圯明洪武初知府徐鐸重建宣德間知府萬

觀修天順五年知府姜德政增修完整薛瑄記曰生徒必篤志講明正學庶幾人才有實用而風化之美亦延及于支屬矣治間知府張文佐改建殿廡堂齋書樓號舍正德間知府閔槐建名宦祠學倉嘉靖間知府孫濬徙今所萬間知府張修吉李從心繼修

國朝康熙二十五年

御書萬世師表頒發郡州縣懸額廟中二十八年

詔天下郡縣學仍舞八佾三十三年

御製

至聖先師孔子贊四配贊頒行天下三十四年因地震廟圯

特發帑金遣員外倭倫督同知府王輔重建閤敞穆邃規制視昔有加四十一年

御製訓飭士子文頒發鐫石明倫堂四十六年知府劉棨製備樂器祭器有記五十一年

詔升朱子於十哲五十五年以宋范仲淹從祀雍正二年

御書生民未有頒發郡州縣懸額廟中復祀蘧瑗林放秦冉顏何鄭康成增祀先賢牧皮公都子公孫丑樂正克

萬章先儒諸葛亮尹焞黃幹陳淳魏了翁何基王柏
復金履祥許謙陳澧羅欽順陸隴其雍正八年知府樊
錢倬十年知府李熹十一年知府王喬林相繼修葺十
三年知府章廷珪加修復改建名宦鄉賢及重建文昌
各祠廟貌煥
然并爲之記

大成殿五間

東廡十二間

西廡十二間

崇聖祠三間

在正殿後西北

名宦祠三間

在戟門外東旁西向

鄉賢祠三間

在戟門外西旁東向以上二祠舊在崇
聖祠左右並列同向雍正十三年知府章

延珪改建移置今所
崇祀各姓氏詳後

戟門三間

櫺星門三間

泮池 櫺星門外

文昌祠

在櫺星門東正殿三間獻殿三間東西兩廊各三間雍正十三年知府章廷珪重創建

奎星樓

泮池西南隅舊在文昌祠東南隅康熙三十四年地震圯總鎮毛來鳳移建

忠義祠

另詳祠祀內

明倫堂五間

東齋三間

西齋三間

神厨

神庫

廢

尊經閣

明倫堂後地震圮

敬一亭

地震圮

更衣亭

在戟門外次東次西各三間

宰牲所

在櫺星門外西院

射圃

府治南小分司前明

治間知府張文佐建今廢

教授宅

文廟東詳見公署各州縣學正教諭宅同

訓導宅

文廟東詳見公署各州縣同

學田

今廢
學倉
今廢

社學

舊在府治崇道坊明洪武八年建今廢

試院

在鼓樓東南舊交城王府改建詳見公署

晉山書院

府治東北蓮花池舊在治東元泰定間邑人石彥明建為義學後改為錄事司明洪武初

改為縣學

永樂初改為縣治

治三年知府杜忠復建

于此嘉靖

三十四年知府王楠改三太守祠

國朝

康熙十年知府劉儀恕重建三十四年地震圯雍正

八年知府樊錢倬臨汾知縣徐三俊即向隸省邑之正

誼書院整理之先紳士請以公餘為文會膳資立有碑

記歷任知府相繼延師督課雍正十二年知府章廷珪

履任備修脯復遠延院長按期會課不少輟一時遠近

生聞風鼓舞不水文致遂稱盛焉

祀典

正殿

至聖先師孔子

四配

復聖顏子

諱回字子淵魯人

述聖子思子

諱伋字子思至聖孫

在殿內東傍西向

宗聖曾子

諱參字子輿南武城人

亞聖孟子

諱軻字子輿一作子車邾人

平陽府志

卷之九

學校

在殿內西傍東向

十哲

閔子

諱損字子騫魯人

冉子

諱雍字仲弓鄭康成曰魯人

端木子

諱賜字子貢衛人

仲子

諱由字子路一字季路尸子史記胥云卞人一云衛人

卜子

諱商字子夏衛人鄭康成曰溫國卜商

在殿內次東西向

冉子

諱耕字伯牛鄭康成曰魯人

宰子諱子字子我鄭康成曰魯人

冉子諱求字子有鄭康成曰魯人

言子諱偃字子游吳人

顓孫子諱師字子張陳人

在殿內次西東向

朱子諱熹字元晦一字仲晦宋婺源縣人

在殿內次東西向

東廡先賢

蘧子諱瑗字伯玉衛人

澹臺子

諱滅明字子羽
孔安國曰魯人

原子

諱憲字子思鄭康成曰
魯人檀弓云仲憲宋人

南宮子

諱适字子容家語云韜史
記云括孔安國曰魯人

商子

諱瞿成都周公禮殿聖賢
圖云商瞿上字子木魯人

漆雕子

諱開字子開家語云字子若
鄭康成曰魯人一曰蔡人

司馬子

諱耕字子牛家語云犁耕
一字伯牛孔安國曰宋人

有子

諱若字子若一字子
有鄭康成曰魯人

巫馬子

諱施字子旗家語云巫馬期字
子期鄭康成曰魯人一云陳人

顏子

諱辛字子柳史記禮殿圖
胥云顏字鄭康成曰魯人

曹子諱卹字子循蔡人

公孫子諱龍字子石家語云公孫寵衛人鄭康成曰楚人孟子注云趙人

秦子諱商左傳云秦丕茲字子丕家語云字不慈鄭康成曰楚人一曰秦人

顏子諱高家語云顏刻字子驥魯人

壤駟子諱赤禮殿圖云壤西赤字子從一字子從鄭康成曰秦人

石作子諱蜀家語云石子蜀字子明秦人

公夏子諱首家語云公夏守字乘一字子蔡鄭康成曰魯人禮殿圖不載

后子諱處字子里家語云石處字里之鄭康成曰齊人

奚容子諱歲字子哲家語云奚歲字子借魯人

戶部子諱之九學校

顏子

諱相字襄家語云顏相字子襄魯人

句井子

諱疆字子疆一字子界闕里志字野山東志字子孟鄭康成曰衛人

秦子

諱祖字子南鄭康成曰秦人

縣子

諱成字子祺家語云字子橫鄭康成曰魯人禮殿圖不載

公祖子

諱句茲家語云公祖茲禮殿圖云公孫勾茲字子之魯人

燕子

諱伋字思家語云燕級字子思秦人

樂子

諱欬家語云樂欣字子聲魯人一云秦人

狄子

諱黑字哲家語云字哲之一云子哲衛人

孔子

諱忠家語云孔弗字子蔑孔子兄孟皮子

公西子

諱藏家語云公西赤字子上一作子尚魯人

顏子

諱之僕字叔家語云字子叔鄭康成曰魯人禮殿圖不載

施子

諱之常字子恒家語云子常魯人

申子

諱棧家語云申續史記云申黨禮殿圖云申黨字周一云字子周魯人

左邱子

諱明魯人

秦子

諱冉字開家語不載

牧子

諱皮朱註云未詳

公都子

公孫子

諱丑

張子

諱載字子厚
宋郿縣人

程子

諱頤字正叔
宋河南人

西廡先賢

林子

諱放
魯人

宓子

諱不齊字
賤魯人

公冶子

諱長字子長家語
云長字子之齊人

公哲子

諱哀字季次家語云公西哀字
季沉禮殿圖云公哲哀齊人

高子

諱柴字子羔鄭康成
曰衛人一云齊人

樊子

諱須字子遲鄭康成
曰齊人一云魯人

梁子

諱鱸一云鯉字叔魚齊人一云魯人

冉子

諱孺字子魯家語云字子魚一字魯人

伯子

諱虔字子析家語云字楷魯人

冉子

諱季字子產鄭康成曰魯人

漆雕子

諱徒父家語云漆雕從字子文魯人

漆雕子

諱哆字子斂家語云漆雕侈鄭康成曰魯人

公西子

諱赤字子華鄭康成曰魯人

任子

諱不齊字選家語云子選鄭康成曰楚人

公良子

諱孺字子正鄭康成曰陳人

公肩子

諱定家語云公肩字子中晉人一云魯人

鄒子

諱單禮殿圖及徐廣胥云鄒單字子家齊人徐廣云太原有鄒縣家語不載

罕父子

諱黑字子索家語云宰夫黑字索魯人禮殿圖不載

榮子

諱旗家語云榮祈人物志云榮期字子祺魯人

商子

諱澤字子秀一字子季魯人

左人子

諱郢字行家語云左郢字子行鄭康成曰魯人

鄭子

諱國字子徒家語云薛邦字子從史記作國者以避高祖名薛訛為鄭也魯人

原子

諱亢家語云原抗字籍史記云原亢籍闕里志名挑字子抗魯人

廉子

諱潔史記云廉潔字庸家語云字子庸一字子廉

叔仲子

諱會字子期鄭康成曰晉人

公西子

諱輿如家語云公西與字子上一字子文魯人

邾子

諱異字子斂家語云邾選字子欽鄭康成曰魯人

陳子

諱亢字子亢一字子禽陳人史記不載

琴子

諱張家語云琴牢字子開一字子張衛人史記不載

步叔子

諱乘字子車鄭康成曰齊人

秦子

諱非字子之鄭康成曰魯人禮殿圖不載

顏子

諱噲字子聲鄭康成曰魯人

顏子

諱何字冉鄭康成曰魯人禮殿圖不載

縣子

諱宣字子象
史記不載

樂正子

諱克

萬子

諱章

周子

諱敦願字茂
叔宋營道人

程子

諱顥字伯淳
宋河南人

邵子

諱雍字堯夫
宋范陽人

東廬先儒

公羊子

諱高
齊人

孔子

諱安國字子國至聖
十一世孫

毛子諱萇字長公漢趙人

高堂生漢交人

鄭子字康成漢高密人

諸葛子諱亮字孔明漢瑯琊人

王子諱通字仲淹隋龍門人

司馬子諱光字君實宋夏縣人

胡子諱安國字康侯宋崇安人

尹子諱焞字彥明一字德充宋洛人

呂子諱祖謙字伯恭宋婺州人

平陽府志

卷之九

學校

十

蔡子

諱沈字仲默
宋建陽人

陸子

諱九淵字子
靜宋金谿人

陳子

諱淳字安卿
宋龍溪人

魏子

諱了翁字華
父宋邛州人

王子

諱栢字會之
宋金華人

許子

諱衡字仲平
元河內人

許子

諱謙字益之
元金華人

王子

諱守仁字伯
安明餘姚人

薛子

諱瑄字德溫
明河津人

羅子

諱欽順字允升明泰和人

陸子

諱隴其字稼書平湖人

西廡先儒

穀梁子

諱赤字元始魯人

伏子

諱勝字子賤漢鄒平人

后子

諱蒼一云倉字近君漢東海人

董子

諱仲舒漢廣川人

杜子

諱子春東漢偃師人

范子

諱甯晉順陽人

韓子

諱愈字退之
唐南陽人

范子

諱仲淹字希
文宋吳縣人

胡子

諱瑗字翼之
宋如皋人

楊子

諱時字中立
宋將樂人

羅子

諱從彥字仲
素宋南劍人

李子

諱侗字愿中
宋劍浦人

張子

諱栻字敬夫
宋綿竹人

黃子

諱幹字直卿
宋閩縣人

真子

諱德秀字景元更
字景秀宋南劍人

何子

諱基字子恭
宋金華人

趙子

諱復字仁甫
元德安人

金子

諱履祥字吉
父元蘭溪人

陳子

諱澔字雲柱
元都昌人

陳子

諱獻章字公
甫明新會人

胡子

諱居仁字叔
心明餘干人

蔡子

諱清字介夫
明晉江人

崇聖祠在正殿後西北舊爲啟聖公祠

國朝雍正三年

欽改爲崇聖祠追封孔子五代王爵復以張載父迪從祀

正殿

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啟聖王叔梁公西二室南向

配位

先賢顏氏

諱無繇字路家語云顏繇字季
各豐受圖云顏無繇字季

先賢孔氏

諱鯉字伯魚至聖嗣子思父

在殿內東西向

先賢曾氏

諱點史記云曾蒧字皙家語云字子皙曾子父

先賢孟孫氏

諱激字公宜魯公族孟孫之後孟子父

在殿內西東向

東廡

先儒周氏

諱輔成敦頤父

先儒程氏

諱珦字伯溫顥父

先儒蔡氏

諱元定字季通沈父

平陽府志

卷之七

學校

西廡

先儒張氏

諱迪 載父

先儒朱氏

諱松字喬 年熹父

陳設

雍正三年頒定

正位

禮神制帛一

白

白磁爵三牛一羊一豕一登一

實以

太羹

鉶二

實以

簋二

實以

簋二

實以

籩十

實以形鹽藁魚鹿脯棗栗榛菱芡黑

羹

餅白

豆十

實以韭菹菁菹芹菹笋菹醯醢鹿醢兔醢魚醢脾胹胎

酒樽一

四配位

餅

每位禮神制帛一

白

白磁爵三羊一豕一鉶一

實以和羹

二

實以

簋二

實以

籩八

實以形鹽藁魚鹿脯棗栗榛菱芡

豆八

實以韭菹

豆八

實以韭菹

笋菹醢醢鹿酒樽一十哲東五位五案又朱子一位

一案禮神制帛一色白白磁爵各一豕一鉶各一實以和羹簠各

一實以黍簋各一實以稻籩各四實以形鹽豆各四實以韭菹醢醢菁菹

鹿脯豕首一西五位五案與東五位陳設同東廡禮

神制帛一色白銅爵各一豕三每案簠一簋一籩四豆四實同

上西廡陳設與東廡同崇聖祠正位五案每位禮神制

帛一白磁爵三豕一鉶一簠二簋二籩八豆八實同上

酒樽一配位每位一案禮神制帛二豕首一每位銅爵

三簠一簋一籩四豆四實同上豕肉一兩廡禮神制帛二

每位銅爵三簋一簋一籩四豆四

實同上

豕肉一

祭儀

春秋二仲月上丁日祭獻官散齋二日致齋一日前一日
演樂省牲祭日三更鼓祭事皆備鼓再嚴樂舞生執事者
各立丹墀左右鼓三嚴引贊引各獻官廟門外立通贊唱
樂舞生就位樂生各序立于廟庭奏樂之所兩司節者分
引舞生至丹墀東西兩階各序立于舞佾之位兩司節者
退至舞生兩班之首持節相向立唱執事者司事陪祭官
就位分獻官就位獻官就位引贊引獻官至拜位引贊退位

唱瘞毛血執事者捧毛血正廟由中門出四配十哲兩廡
由左右門出瘞于坎遂啟俎蓋唱迎神樂奏咸和之曲麾
生揚麾樂生擊祝樂作司節舉節舞生執籥秉翟而舞叩
首再叩首三叩首興麾生偃麾樂盡櫟啟司節伏節舞生
罷舞唱奠帛行初獻禮捧帛者捧帛執爵者執爵引贊引
獻官詣盥洗所勺水淨巾引詣酒尊所司尊者舉罍酌酒
執爵者捧帛者在獻官前行正廟帛爵由中門入四配帛
爵由左門入各于神案側立引贊引獻官亦由左門入詣
至聖先師孔子神位前樂奏寧和之曲麾生揚麾樂生

擊祝樂作司節舉節舞生執籥秉翟而舞獻官跪捧帛者
西向跪進帛獻官獻帛授接帛者奠于神位前案上執爵
者西向跪進爵獻官獻爵授接爵者奠于神位前叩首興

詣讀祝位

祝位在
香案前

引贊引獻官至祝位麾生偃麾樂暫止

讀祝者跪取祝文退立于獻官左獻官并各官及讀祝者
皆跪讀祝文曰維某年歲次某某月某朔越幾日某官某
等敢昭告于 至聖先師孔子曰維 師德配天地道冠

古今刪述六經垂憲萬世惟茲仲

春秋

謹以牲帛醴齊粢盛

庶品祇奉舊章式陳明薦以

復聖顏子

宗聖曾子

述聖子思子 亞聖孟子配尙饗叩首興麾生舉麾樂生

接奏未終之樂引贊引獻官詣 復聖顏子神位前跪捧

帛者跪進帛于獻官右獻官獻帛授接帛者奠于神位前

案上執爵者跪進爵于獻官右獻官獻爵授接爵者奠于

神位前叩首興次詣 宗聖曾子 述聖子思子 亞聖

孟子神位前儀同復聖復位引贊引獻官至原拜位立通

贊唱行分獻禮各引贊引分獻官詣盥洗所勺水淨巾引

詣酒尊所司尊者舉罍酌酒各引贊引分獻官至十哲兩

廡神位前跪捧帛者跪進帛分獻官獻帛授接帛者奠于

神位前捧爵者跪進爵分獻官獻爵授接爵者奠于總案
上執事者于各神前自奠一爵叩首興復位麾生偃麾樂
盡櫟敔司節伏節舞生罷舞通贊唱行亞獻禮引贊引獻
官詣酒尊所司尊者舉羃酌酒詣至聖先師孔子神位
前樂奏安和之曲麾生揚麾樂生擊祝樂作司節舉節舞
生執籥秉翟而舞儀如初獻四配十哲兩廡亞終二儀胥
同初獻復位麾生偃麾樂盡櫟敔司節伏節舞生罷舞通
贊唱行終獻禮儀同初獻樂奏景和之曲樂作佾舞獻爵
諸儀畢復位麾生偃麾樂盡櫟敔司節伏節舞生罷舞通

贊唱飲福受胙進福酒者捧爵進福胙者取正壇羊左肩

胙置于盤引贊引獻官詣飲福位跪

飲福位卽讀祝位

捧福酒者

跪進酒于獻官右獻官受飲以爵授接爵者捧福胙者跪

進胙于獻官右獻官受胙以胙授接胙者由中門捧出叩

首興復位叩首再叩首三叩首各官同唱徹饌樂奏宣和

之曲樂生奏如前式執事者跪舉籩豆一器一舉而徹兩

班司節分引舞生于丹墀東西相向序立不舞麾生偃麾

樂盡櫟歌唱辭神樂奏祥和之曲樂生奏如前式叩首再

叩首三叩首各官同麾生偃麾樂暫止讀祝者捧祝奠帛

者捧帛各詣瘞所正廟由中門出四配十哲兩廡帛由左
右門出唱望瘞麾生揚麾接奏前樂引贊引獻官分獻官
陪祭官至瘞所唱焚文帛九段焚訖麾生偃麾樂止復位
通贊唱禮畢

崇聖祠同日先祭無樂舞餘儀同

樂章

迎神

咸和之
曲無舞

大哉孔聖道德尊崇維持王化斯民是宗典祀有常精純

並隆神其來格於昭聖容

奠帛

寧和之曲有舞

自生民來誰底其盛惟師神明度越前聖粢帛具成禮容
斯稱黍稷非馨惟神之聽

初獻

安和之曲有舞

大哉聖師實天生德作樂以崇時祀無斃清酤惟馨嘉牲
孔碩薦羞神明庶幾昭格

亞獻

景和之曲有舞

百王宗師生民物軌瞻之洋洋神其寧止酌彼金罍惟清
且旨登獻惟三於嘒成禮

終獻

景和之曲同
亞獻有舞

徹饌

宣和之
曲無舞

犧象在前豆籩在列以享以薦既芬既潔禮成樂備人和

神悅祭則受福率遵無越

送神

祥和之
曲無舞

有嚴學宮四方來崇恪恭祀事威儀雝雝歆茲惟馨神馭

還復明禋斯畢咸膺百福

望座

祥和之曲同
送神無舞

樂器

雍正三年
所定

摩

金鐘

玉磬

鼓

搏拊

祝

瓦

琴

瑟

排簫

笙

簫

笛

埙

舞器

節

羽

簫

干

戚

以上各州縣學胥同不再贅錄

名宦祠姓氏

周

郤 郢 牛 舌 肸

漢

季 杜

布 詩

田延年

晉

李

重

西魏

韋孝寬

北魏

柳

崇

東魏

封子繪

唐

郭子儀 房 瑄

馬

燧

王

式

李

愬

柳公綽

宋 杜衍 尹洙 胥鼎 楊伯雄 李章

元 張德輝 靳用 鄭鼎 王暉

明 徐處 胡濬 閔槐 楊睿 張文佐
林國相 樊瑩 許維新 王喬棟 聶豹

萬一本

國朝 申朝紀 范印心

朱士毅 祝增

按舊志名宦姓氏內尚有漢淮陰侯韓信相國曹參及宋之河中守趙向寬三人攷淮陰並未筮仕平陽曹相國雖食邑平陽亦非專仕晉地者比至河中已非今日平郡兼轄昔日賢守理應移祀河中始為合制第歷來相沿已久且祀事動關大典非一時檢者所敢遽為進退謹摘錄于此以俟通行釐正之

酌定

焉

鄉賢祠姓氏

周 卜 偃 畢 萬 史 蘇 師 曠 師 服
趙 衰 士 薦 先 軫 解 揚 魏 絳

程 嬰 公孫杵臼
士 燮 藺 相如

漢 霍 光 衛 青 霍 去病 晉 韋 忠 宋 邢 昺
尹 翁歸 張 敞 李 矩 孫 復

元 閻 世傑 張 昌 張 潤 李 尚思 周 麟
喬 翼 明 康 天爵 尤 恩謙 朱 知鰲 桑 拱陽

國朝 王 永命 范 鄩鼎 王 治
王 治 劉 心淦

按平陽向兼隸蒲解絳三州故三州所產名賢府庠
例得并記舊志所載姓氏如蒲人則有周之百里奚
宮之奇唐之司空圖張元素解人則有周之段干木
漢之關羽唐之柳宗元河津人則有漢之司馬遷唐
之王凝薛仁貴明之薛瑄聞喜人則有唐之裴度裴
行儉芮城人則有唐之張巡夏縣人則有唐之陽城

安邑人則有明之曹于珙此外誤入者則有通志已載入太原之周之素願失攷者則有唐之趙寬宋之侯師聖今并爲攝出
附載以俟通行釐定

附載入學額制

府學

大學原額二十名雍正十三年奉文減撥三名歸入蒲州府本學存額十七名廩增生各四十名每

歲貢

一人

臨汾縣學

大學額二十名廩增生各二十名兩年貢一人

襄陵縣學

大學額二十名廩增生各二十名兩年貢一人

洪洞縣學

大學額二十名廩增生各二十名兩年貢一人

浮山縣學

中學額十二名廩增生各二十名兩年貢一人

趙城縣學

中學額十二名廩增生各二十名兩年貢一人

太平縣學

大學額二十名廩增生各二十名兩年貢一人

岳陽縣學

小學額八名廩增生各二十名兩年貢一人

曲沃縣學

大學額二十名廩增生各二十名兩年貢一人

翼城縣學

大學額二十名廩增生各二十名兩年貢一人

汾西縣學

小學額八名廩增生各二十名兩年貢一人

靈石縣學

中學額十二名廩增生各二十名兩年貢一人

霍州學

中學額十二名廩增生各三十名三年貢二人

附錄府學文廟祭器樂器儀注碑記

劉 榮

知府

康熙甲申冬余承乏平郡初謁

聖廟見學宮當地震之後俱係新建規模整飭而木主已朽壞明年春丁祭見器數不備牲不肥腍樂舞生竟以僧道充之余怒然懼曰如此大典何苟簡若是也于是飭梓人更木主詢諸生知樂舞生

乃懸示召選近邑子弟若干名不役其身願應童子試者准免郡縣考徑送院優其禮衣冠與博士弟子員等犯科州縣官非詳請褫革不得加刑聞安邑學肄禮生傳自曲阜顏氏延致郡廩給習數月是秋

祭乃稍有次第丁亥冬曲阜東塘孔先生過郡余喜甚
先生固

聖天子幸魯以博士起家者辨黃鐘善音律闕里之樂悉
先生所考訂纂修闕里志著爲成書若干卷鐫梓行世
于是召肄禮生至學先生教之半月登降有度進退有
序歌有律舞有節著往飭歸聲容美備又請先生畫圖
象命冶人範金陶人制埴匏人進笙工作祝故以累黍
合笙箎以宮商配琴瑟鍾磬簫豆簠簋爵牟之屬一遵
古制越明年春祭鐘鼓在堂笙磬在下始穆然成禮而

退平陽人士于是乎知禮夫孔子之祀祭器樂器一切
禮制定之朝廷頒之天下行之各郡邑垂之千百世載
在祀典何煩更贅然人有變更物有成毀余恐後之守
此土者視爲具文而因循苟簡復似疇昔則不倫不備
禮樂必至廢棄不獨負東塘先生之教亦委聖人於草
莽也故特敬鐫之石以屬後之君子器有毀敗者則易
之禮人樂人闕則補之老則更之務求美備不致廢墜
吾知凡有名教之責者尊聖人重學校自有同志不負
丁寧且使他日平陽士子傳爲美談知晉之禮樂自闕

里孔氏來也用載儀注禮樂器於後

按舊志載有廟祀考一篇及劉守原記內祭器祭品樂器舞器佾數殿設祭儀樂章八條于後頗極詳細今攷之雍正三年

頒行成式尙多未協者故節而不錄悉照通志更正惟是前守劉于地震未久構造粗畢之時毅然復古釐正祀事俾祭者無不修墜者靡不舉相沿至今踵而葺之易子致力功詎不隆焉故錄其原記於本卷之後以爲後之加意學校者勸

臨汾縣學

在城西舊在城外北坂下燬於兵有司徒置城中以晉山書院改建明洪武十一年知府

徐鐸復以元季

祭罕帖木兒祠堂改建宣德間知縣袁

衡

治間知縣馬龍李伸嘉靖間知縣袁淮董珊趙統

萬

蘭知縣邢雲路康熙辛未年鄉紳亢從時相繼重

修康熙三十四年地震圯

上

發帑金遣員外倭倫督同知縣彭希孔重建雍正八

年知府樊錢倬知縣徐三俊重修

平陽府志

卷之九

學校

三

大成殿五間 東西廡各十二間

崇聖祠三間 明倫堂東

名宦祠三間

戟門外 明 丁憲 徐彪 王榮諾
東祀 蕭韶 林國相 許維新

萬二奉 劉四端

王喬棟

國朝

申朝紀 王承露
范印心 賽璋

鄉賢祠三間

戟門外 漢 衛青 霍光 尹翁歸
西祀 霍去病 胡建 張敞

晉 李炬

唐 柴紹 孫復元 關世傑 喬翼
敬暉 宋 孫復元 關世傑 喬翼

明

張昌 張潤 桑拱陽
周 亢思謙 亢孟檜

國朝

孫養志 王永命 周遠祚
許有德 劉心來

文昌祠三間

櫺星門西

魁星樓

明倫堂後地震毀

明倫堂五間

正殿後

東西齋各三間

尊經閣

地震毀

敬一亭

地震毀

教諭宅

正殿西北

訓導宅

正殿西

射圃

安仁坊府張文佐建今廢治十七年知

學田

一平地二十七畝坐落縣東十里東王村橋東里生員亢孟禧置一坡地九十三畝五分九釐零

坐落縣西六十里二貴王斗里溝西鴉兒崖石坂坡樊

一相置一坡地二十二畝五分坐落縣西六十里二

貴王斗里黎里凹水泉凹東坂坡李從恩置一平地

三畝坐落縣東十五里南平村義棠里王景教置一

平地八畝坐落城東十里東王村東王里楊得先置共

地一百五十四畝九釐零徵穀一十石八斗四升九合

正誼書院

在東關遇公門外邑紳士公建詳見晉山書院條下

社學 廢

義學有七

一在席祿里蘭村爲邑義民湯進福子民皞等捐建有捐造置田碑記 一在盧道村鄉

民王世貝等十七人公建

一在城內城隍廟西感化

坊 一在東關小南門內爲王永命建 一在東關小

東門內爲亢在時建 一在土門南里亢村分西東學

係村人劉彥柱等公建西訓蒙東課詩禮 一在柴李

村生員左時

能等公建

襄陵縣學

縣治西南舊在城北門外金大定初移此元地

震傾圯縣尹楊秀重建明正統間知縣張柔訓

導丁璉拓修成化十六年知縣張鼎治嘉靖萬

間知縣李高尚薰趙希孟宋之韓馬逢舉各增修

國朝康熙三十四年地震圯知縣諸來晟重修知縣惲東

生宋繼均增修

大成殿五間 東西廡各五間

崇聖祠三間

正殿西北隅

名宦祠三間

啟聖祠周 郤 準 漢 呂 虔 宋 扈周卿

金 趙景溫 元

馬思忽別 王元禮 明 周 郁 楊志學 虎篤鐵木耳

薛 驥

張 龢 張文佐 李 高 王 庚

謝 謙

李 咨 張 賢 張 雲 何 思

高 節

宋之韓 馬逢臯 李用質

張國彥

丁由義 薛所蘊

鄉賢祠三間

啟聖祠 漢 張 良 三國魏 賈 逵 西記 張安世

晉

賈 混 鄧 殷 南北朝 賈 淵 宋 許 翰

金

王 佐 元 張 著 續執中 賈敏夫 盧希古 張 翥 吳 著 牛光祖 靳 柱

明

鄭 昌 劉 述 王 茂 祝 信 常 衢 王 澍 王 進 嚴 正 盧 盛 崔 矩

張璉 柴良金 李遇春 邢霖

邢讓 劉顥 王瑄 金舜臣 李蕃

王應吉 高邦佐

李道 梁一龍

國朝

王維屏 許克猷
張纘

文昌祠三間

正殿東 魁星樓 廢
北隅

明倫堂五間

正殿 東西齋各七間 正心 誠意
後

尊經閣

敬一亭 明倫堂 射圃 魁星閣西廢
後廢

教諭宅

明倫 訓導宅 明倫堂西
堂東

學田

水田三十畝坐落縣西南嘉靖間知縣宋之韓置
夏秋收租為課士之需

姑汾書院

明 治間知縣張文連建今講堂號舍俱

社學 各里俱置間多廢圯今亨安鎮起世鎮西登元西
王西徐各有 先師廟

洪洞縣學

縣治東北舊在縣後元至元三年建大德六年
地震陷縣尹孫翥重建十年主簿劉履景祥各

增修明洪武二年知縣楊茂成化正德間知縣焦舉馬
馴繼修嘉靖元年知縣浦鉉改建于此萬 十年知縣

喬因羽增修晉朝臣記

國朝 治十年知縣趙三長修康熙十八年知縣朱璘重
修地震後三十六年知縣李宣繼修未竣康熙五十年
邑紳劉誌等重建

大成殿五間 東西廡二十三間

崇聖祠三間

在先師殿東康熙三十四年地震毀四十
六年知縣陳兆業重建

名宦祠三間

戟門外東康熙三十四年地震
毀三十六年知縣李宣重建祀 周 羊舌肸

宋 李 周 金

劉徽柔

元 郭

琪

明 王

或

邢

昭

楊光澤

浦

鉉

替如思 李 宁 匡 鐸

喬因羽 袁 葵

鄉賢祠三間 戰門外西康熙三十四年地震毀知縣李宣重建祀虞 阜 陶

周 師 曠 漢 邳 都 元 孫 抑 明 衛 英 李 杲 劉廷臣 韓廷偉

韓 文 許翎鳳 韓續祖 晉應槐 劉守仁

晉朝臣 晉淑抃 劉承光 劉應時 范 嗣

國朝 陰承緒 范鄒鼎 劉我義 劉我禮 楊學震 劉 誌 劉 鎮

文昌閣 泗州寺後高阜 魁星閣 儒學門外知縣喬因羽 上與文廟相對 建

文星樓 卽城東門樓偏闕同知康正吉詳請改建

明倫堂玉甌 東西齋各五間 日新 時習

敬一亭 啟聖祠後康熙三十四年地震毀四十六年知縣陳兆業重建

尊經閣 明倫堂後 東西號舍各五間 明倫堂後

教諭宅 明倫堂東 訓導宅 明倫堂西 射圃三間 先師殿西北

學田 地二十八畝八分五釐租粟廩生貧士均分 董
寺村地四十二畝每年收米麥租十七石七斗貧

士均分邑人
范鄙鼎置

麗澤書院 縣治東北隅即泗州寺明嘉靖十三年分守
道叅議吳廷翰改建今寺尚存

相觀書院 縣治東北鐘樓後即千佛寺明嘉靖間叅議
吳廷翰改建今寺尚存

登瀛書院 在邑玉峰門外少北玉峰觀中明天啟間知
縣趙京仕創建有記

講學書院 儒學東南隅康熙二十年知縣朱璘建共十
六間為講習地置水田十畝延師以資館穀

邑人楊義碑記
知縣李宣重修

社學

凡七一三真閣街北關廟東 一警晨街正東關廟後 一縣治西北城隍廟西 一安流門內大路東 一迎熏門內南城下祆神廟內 一拱汾門裏太歲廟內 一望霍門外街東

義學

舊名慎交書院在城東雍正三年孔傳忠創置今知縣余世堂改立義學延師造士

浮山縣學

縣治西元至元中建大德間修明洪武二年縣丞徐秉彛增修正統成化間知縣李安李霽嘉

修

靖二年典吏何繼遠萬 間知縣左桐張檢躬相繼增

國朝順治間知縣李景棟楊名世重修康熙五十五年邑舉人張大統重新知縣陸張烈記

大成殿五間 東西廡各十間

崇聖祠三間

敬一亭後

名宦祠三間

正殿明王倫
東祀
崇

鄉賢祠三間 正殿育 樂維翰 宋 邢 昂 明 暴 昭

陳 攷 陳 福 高象先

國朝 秦士鳳 李春先 張大統

文昌閣三間 儒學 魁星樓 正殿西北地震毀

明倫堂五間 正殿 東西齋各五間 今廢

敬一亭三間 明倫 尊經閣 廢 訓導宅 敬一亭西

射圃 廢

義學二所

趙城縣學 縣治西南元至正間建明洪武七年縣丞凌文質修正統間知縣何子聰萬 間知縣張鑑張

平陽府志

卷之九 學校

天

三陽不元 卷之六

汝鈺郭榮相繼增修

國朝順治十六年知縣安錫祚康熙四十四年知縣徐客

修各重

大成殿五間 東西廡各十間

崇聖祠三間 文廟東北

名宦祠二間 戟門周造 父 讓 唐 馬 鑾

宋 宗 澤 元 莊欽祖 明 何子聰 楊 瓚 黃 直 孫 固 向 明 凌文質 張 傑

強自省

劉四端

國朝 秦嘉光

鄉賢祠二間 戟門周 簡如相 漢 紀 信 元 徐 毅

明 賀 貴 王 應 豫 閻 承 寵 衛 宗 康
劉 環 李 柱 張 閱

國朝 湯 家 相

文昌祠 文廟東北隅康熙四十六年知縣徐容並教諭王之瑞建其城外東南隅係文昌高閣順治十

六年知縣 魁星樓 櫺星門外
安錫祚建

明倫堂三間 正殿後明嘉靖七年分守河東叅議道陳時明僉事道宋欽委知縣連悅之建知縣

邢倫 落成 東西齋各五間 修德 凝道

尊經閣 明倫堂後 敬一亭二間 尊經閣下

教諭宅 明倫堂後東 訓導宅 明倫堂後西 射圃 在學前

學田 水地三十畝平地二畝六分中坡地十六畝四分俱坐落永楊村水地陡口係干村

國朝順治二年知縣秦嘉兆置每年租穀十石二斗納糧外給散廩生食士

雲龍書院 在北門內舊名羅雲書院後復改建今名

社學 在北門內

太平縣學 縣治西北元至元八年王濤任興嗣重修王暉記至正十八年毀于寇十九年達魯化赤安童

創始二十年縣尹馮衡落成郭晉記明洪武七年縣丞

毛煜復建十七年知縣沈士廉景泰間知縣岳嵩治

間知縣尹球正德間知縣盛琛萬 三年知縣武成相

繼增修

國朝順治十五年知縣盧易重修康熙十七年知縣吳軫

增修二十八年知縣趙心忭增修三十八年知縣李清

鎧教諭王之瑞四十年教諭牛敬修相繼增修雍正三

年知縣劉崇元再修雍正十三年知縣張若奎捐俸倡

率紳士復

修一新

大成殿五間

東西廡各五間

崇聖祠

舊在正殿東南嘉靖間知縣劉廷芝改建於殿後萬初知縣武成建尊經閣移祠于東北

名宦祠

戟門 漢 周 勃 後魏 郭文恭 元 郝信臣 東祀

明

袁 景 耿 儒 武 成 尹 球 羅 潮 魏公韓

國朝

程 衡 盧 易 白九蛟 趙心抃 李清鎧

鄉賢祠

戟門 周 荀 息 韓 厥 公孫杵臼 西祀 趙 衰 董 狐 程 嬰 李 牧

漢

周亞夫 唐 毛若虛 明 毛 俊 王體復 楊天民 敬 暉 李 鉞 韓 智 張鯁化

國朝

李鴻敏 王錫韓

尊經閣

正殿 講堂三間 尊經閣西 後

平陽府志

卷之九 學校

三

文昌祠

文廟東康熙三十八年知縣李清鑑教諭王之瑞四十年教諭牛敬修重建

明倫堂三間

東西齋各六間

敬一亭三間

明倫堂後

教諭宅

敬一亭西

訓導宅

教諭宅南

射圃亭

學門外西今廢存圃地

學倉

今廢

學田

原係趙將李牧墓旁地六十二畝三分五釐零唐鄭王紹思墓旁地三十畝九分二釐零明萬七

年知縣黃榜申請撥入學田共地九十三畝二分七釐零每年徵租銀九兩三錢二分八釐零

謙益書院

在縣北康熙五十一年知縣顧欽創建未成遷去

龍門書院

在縣西門外卽文中子祠康熙五十六年知縣張學都拓基前構講堂翼以號舍復置

三十畝四分零以資薪水

生員王敦宣等多所經畫

社學

舊設二十七所今存城內學東一

岳陽縣學

縣治西元延祐三年縣尹郭澍主簿糜嗣祖建

用成化間知縣岳讓正德間知縣元思永重新之王雲鳳記萬間知縣王協夢復修

國朝順治十二年知縣郭奇勲十七年知縣袁一誠康熙八年知縣李丕先二十九年知縣盧振先相繼增修

大成殿五間 東西廡各七間

崇聖祠

明倫堂西北

名宦祠三間

戟門東祀

宋李

宴元

按攤不花

明

姚顯元思永

任繼宗

李應奇

周冕

鄉賢祠三間

戟門西祀

周郤

芮

藺相如

明

何新常執禮

平陽府志

卷之九

學校

三

張瑩 趙廷伋 張志和
李巽 任繼美

文昌祠 康熙二十四年知縣趙時可重修

明倫堂三間 文廟 東西齋 博文 約禮 敬一亭 今廢

尊經閣三間 明倫堂後 射圃 今廢

訓導宅 敬一亭北

學田

義學 二所 一在南關 一在崇聖宮前 邑士公建

曲沃縣學 縣治西 舊在東南 宋慶 間縣尹孫民先建 金

大德四年縣尹完顏從塘主簿賈天衢王德寧改建 今
所七年也 震祀縣尹趙英重建 至正間縣尹閻昇中修

明洪武天順成化間知縣朱武王聰劉璣相繼增修正
德隆慶間知縣侯秩楊時寧萬 間知縣何出光蒯諫
各增修崇 元年知縣張文光

國朝順治十四年知縣劉國正重修康熙十六年知縣周
鉞四十年知縣
潘錦各增修

大成殿五間 東西廡各十五間

崇聖祠三間 正殿西

名宦祠 禮門 劉璣 侯秩 楚書 陰秉錫
東祀 明 何鳴講 李暹 岳倫 劉孝

何出光 周士樸
趙彥復 張文光

鄉賢祠 禮門 荀息 李謙亨 劉尙質 明 仇敬
西祀 周 里 克 元 靳 榮 郝修已

曹端 趙鐸 李進 李浩 李鏞
耿純 耿文睿 因 綱 邢 彪 李廷寶

李明性 李尚思 因 柱 李 備 李齊沆
李 鈞 呂乾健 李日煦 許永禧 張國光

國朝 衛根陽 衛嘉孚 賈承信 劉三傑 李永祥
賈生芝 衛嘉遇 衛周允 賈漢復 衛周祚

仇昌祚 許鼎鉉

文昌閣 文廟 泮池 舊池水來自溫泉鑿城開渠循縣治
東 而西注入今廢

明倫堂三間 東西齋各五間 進德 修業

敬一亭 崇聖祠後嘉靖六年知縣潘汝壽建內立明御
製敬一箴及註釋宋儒四箴康熙四十一年立

御製訓飭士 子文碑 道亭 明倫堂後

教諭宅 堂 訓導宅 堂 射圃 正殿西

學田 共地二百七十五畝二分零每畝徵銀七分六釐
零共徵銀二十兩九錢三分有奇奉 文星舍

生貧士

社學

八所明洪武八年建成化二十一年知縣劉璣重修又蘇村一

國朝康熙四十三年知

縣潘錦建賈鳴璽記

翼城縣學

縣治西門內舊在治南後唐長興三年建為澮水所浸宋天聖八年縣令文彥博改建于此自

為記金天會間縣尹杜德機元至元間縣尹趙思忠劉源黎城主簿沙班敬昇監翼俱增修明洪武五年縣丞

薛大昉增修天順間知縣王珏治間知縣張忠萬間知縣張儒秀各增修倫文叙記

國朝治十四年知縣胡獻瑤重修康熙五年知縣鄭之衡四十年知縣馬文鏞俱增修

大成殿五間

東西廡各十五間

崇聖祠三間

正殿後西北

名宦祠

祀唐

張懷器

後周

程光遠

宋

向滂

金

孫九鼎
楊時元

楊宜明

李諒

王珏

王珏

王利

李

嵩

趙堪

單

訥

李士淳

鄉賢祠

祀

周

樂

成

後魏

張天生

唐

尹知章

宋

張會元

元

屈繼平
郭徇狗

張遵信
楊守則

明高

狝

王錫

戴

麟

泰

周

禮

張

恕

吳夢麟

劉

志

高登明

王

松

鄭

威

劉

王

熙

史學遷

符

柴

明

丁流芳

劉漢卿

史可觀

劉

奇

陳

嘉謨

袁雅度

衛承德

呂維寧

薛從周

國朝

上官薦

王親臣

王廷諫

上官鉉

王曰欽

明倫堂三間

正殿

東西齋各五間

日新

時習

尊經閣

明倫堂後內祀文臣魁星

教諭宅

明倫堂西

訓導宅

明倫堂西南

射圃

學倉

訓導署西今廢

學田

南河下小水地四十三畝給與廩生收租各鄉平坡地一百六十畝本縣收租分給廩生洪武間奉

詔開

設

翔山書院

城東北隅明知縣李士淳建

扶風書院

城西門外知縣馬文鏞建

麗澤書院

在縣治北

汾西縣學

縣治西元至正十八年縣尹梁濟建明洪武八年知縣洪彥昇修成化正德間知縣楊瑩張大

成萬

間知縣孫延卿毛炯各增修

國朝治十四年知縣李色蔚教諭王俊民典史薛宗孔

平易寺志

卷之九

學校

音

重修康熙十三年
知縣蔣鳴龍續修

大成殿五間 東西廡各九間

崇聖祠 文廟西北

名宦祠

戟門外祀

明

洪彥昇 欽

黃甲

張爾維

鄉賢祠

戟門外祀

元

辛邦彥 傅巖起

明

王永年 閻生斗

國朝

李長華 侯甸

郭封伯

文昌祠

舊在大成門東南後改
東城知縣蔣鳴龍增修

魁星樓

文廟東南

明倫堂三間

東西齋各三間

進德

修業

敬一亭

訓導宅

靈石縣學

縣治西南元大德十一年縣尹韓敦武建明洪武十六年知縣李尚文修景泰間知縣范寧

修正德間燬于寇知縣孫燧重修萬曆三年山水入城

浸漂磚木知縣白夏重修孔天允記崇禎九年知縣趙

一龍復修

國朝順治初知縣趙希普李廣生各加修葺康熙八年訓

導孫進修增修六十年河漲圯邑貢生王麟趾捐貲獨

力修整雍正十三年麟趾孫王嘉又復捐貲迄其未竟

焉

大成殿三間 東西廡各九間

崇聖祠

明倫堂東

名宦祠

戟門元韓敦武明種奎張永清
東祀楊文選王植

鄉賢祠

戟門周介之推宋師範元喬世綱明裴泰
西祀

李威劉憲
王寵張寶

文昌閣 在縣東門外
魁星樓 學宮東南隅

明倫堂三間 正殿後康熙三十七年知縣郎國楨改建
東西齋三間 知縣郎國楨改

敬一亭 明倫堂北
尊經閣 敬一亭後
射圃 教諭宅後
會講堂 教諭

宅前今
廢址存

教諭宅 堂西
訓導宅 堂西

學田 沙灘水平地共一百九十一畝二分零該糧一石八斗三升零 又八十二畝二分零該糧六石七

斗二升零折銀六兩
七錢七分三釐零

義學 東門外瑞雲觀東雍正十二年知縣胡承澤捐修
延師教讀

靜昇村文廟 在縣東北 十里元至正二年知縣

康熙間鄉民
王斗星捐修

霍州學 州治西南元至元二年知縣韓奭創建大德七年
地震圯知州李伯淵重修十年監州失利不花延

祐七年知州范渥至治二年知州白貴相繼重修明洪

武二年改邑為州三年設立學校三十年知州馬士能

宣德七年學正曹端成化間知州張玘 治間州判周

盛嘉靖三年知州宇文鏞三十四年知州杜學易三十
六年知州褚相四十二年知州李春崇 間知州丁時
學各增修

大成殿三間 東西廡各九間

崇聖祠三間 正殿西

名宦祠三間 戟門外 隋 宋 老生 後周 柳 遼 宋 孫 固

平陽府志 卷之九 學校

金 移刺阿里合 元 王明安 明 崔明 益篤護彌實 曹端

國朝 李紹祖

鄉賢祠三間 戟門外 唐 高士廉 宋 高繼嵩 金 賈邦獻 右祀

元 賀方 王得貞 程 睿 喬受之 明 周正 郭飛翰 李榮祖 郭光遠

郭 晟 李廷儀 周獻策 任光裕 成 德 史 素 周獻策

國朝 黃翊聖

文昌閣三間 文廟外 魁星祠三間 文廟東北

明倫堂五間 聖殿 東西齋二間 志道 依仁 後 據德 游藝

尊經閣三間 明倫 敬一亭 無 射圃 儒學南城隍廟前東 堂後

牆明知州杜學易
重修今僅存地基

頒書閣

明學正月川先生曹端建并為記在講堂後
重屋貯之逮先生再來正是學白之司土築有

舊式尋為雨水所圯再築之包以石完固齊整號為石
址建閣于上

學正宅

明倫堂東訓導宅
明倫堂西

學田

旱地十一畝三分坐落本州白一里王家山頭崇
十三年知州張夢鯨捐置

霍山書院

州城北太清觀東始建無考明知州褚相復
建李春增修今僅存地基

社學

二所一在北城門內為宣一宣二里學一在南城
門內為宣三宣四里學俱廢嘉靖五年知州陳采

於太清觀前
創建一所

平陽府志卷之十

祠祀

事神以爲民也風雲雷雨山川社稷所報在焉先師先賢先儒道統系焉壇壝祠廟領於官達於天下無論已他若以勤死事以勞定國之屬功德所在則祀於其境鄉之賢者則祀於其鄉義各有當易地則非其鬼況荒淫不經者哉而家人委巷常祀所在多有雖不載令典率爲聚落所仰瞻苟非甚荒淫亦予附列記曰有其舉之莫敢廢也且以脩土風之一則云爾作祠祀志

臨汾縣

附郭

先農壇

在北關雍正四年欽奉

上諭通行直省擇潔淨之地照九卿所耕藉田四畝九分之數設立先農壇於雍正五年為始每歲仲春亥日

府尹督撫及府州縣衛所等官率所屬之員耆老農夫恭祭先農神照九卿耕藉之例行九推之禮其設立

先農壇並恭祭先農俱令動支正項錢糧其所用數

目各該地方官報明戶部查核所收之米敬謹收貯以

供各該處祭祀之粢盛雍正五年知縣徐三俊奉文建

餘州縣如制

社稷壇

在府城北門外里許明洪武初建餘州縣如制

風雲雷雨山川壇

在府城南關洪武初建餘州縣如制

厲壇

府城北門外里餘明洪武初建餘州縣如制

里社壇

在各里

鄉社壇

在各鄉

七賢祠

在府學外祀蒼頡風后巫咸巫賢傳說其二關或曰伯夷叔齊地震毀舊址猶存

府城隍廟

在城感化坊

縣城隍廟

在府城隍西餘州縣如制

八蜡廟

府城南一里餘州縣如制

三皇廟

在府城右市坊

蒼頡廟

舊在城北關明正德十三年知府閔槐撤三教祠改建

國朝康熙三十四年地震圯邑紳王治重建於南關有蒼頡故里碑

堯廟

禮記堯能賞均刑法以義終北魏紀太和十六年詔曰帝堯樹則天之功興巍巍之治可祀於平

陽令牧守擇行祀事

魏土地記平陽城東十里汾水

東原上有堯神屋石碑廟在城南八里舊址在汾西晉

元康中建汾東唐顯慶三年移建於此齊天保元年

六月辛巳詔堯祠舜廟下及孔父老君等載於祀典者

咸秩無遺水經注汾水側有堯廟廟前有碑隋制

祀帝堯於平陽以契配唐開元禮祝版文曰維某年

歲次月朔日開元神武皇帝諱謹遣具官姓名敢告於

帝陶唐氏惟帝則天而行光被四表式遵祀典敬以制

幣犧齊粢盛庶品祇薦於帝陶唐氏配坐敢昭告於

唐司徒惟公敬敷五教贊彞倫率由舊章配享於帝

陶唐氏敬以制幣云云天寶六載以義仲和叔配元

和志有堯帝廟在臨汾東八里及南六里宋乾德元

年詔以稷契配每三年仲春月行享牲用太牢開寶九

年七月丁亥命修前代帝王祠廟咸平元年十一月詔

葺歷代帝王陵廟淳熙四年靜江守臣張拭言臣所

領州有唐帝祠去城二十里而近其山曰堯山高廣為

一境之望祠雖不詳所自始然有唐衡岳道士彌明詩

刻即知其來舊矣臣已肇修祠宇清著之已

校核葺治從之 金皇統三年重修高平郡范冀撰
元至元二十四年閏二月勅春秋二仲丙日祀帝諸廟
又至元間道士善善信募修詔賜額曰光澤之宮殿曰
文恩門曰宿穆賜白金二百兩良田十五頃爲贍宮香
火費翰林直講學士王磐奉勅撰記明正統間左布政
石璞議修堯廟一夕大風拔木積廟前皆棟梁材見崔
鑑石璞墓誌又知府萬觀重修正德間巡按周倫中顏
廣運殿祀堯右重華殿祀舜左文命殿祀禹名三聖廟
後爲光天閣後丹朱廟左爲娥皇女英廟東爲三聖考
廟擴地七百畝有奇廡楹數百間春秋致祭

國朝康熙三十四年地震傾塌奉

旨發帑命工部員外郎倭倫建修頒發

御書匾額堯殿曰光被四表舜殿曰濬哲文明禹殿曰萬
世永賴雍正七年重修緣日久損壞工程浩大 巡撫

石暨 藩臬道府廳州縣各捐俸設法脩辦工料陸續

整理知府章廷珪等復親自督工至雍正十三年春初
工竣規模倣舊而畧爲更易三殿如前移娥皇女英并
祀於舜寢宮移丹朱商均祠祀于聖考廟餘如光天閣

峻德坊神羊萸莢亭并亭稷契臯陶伯益夔龍六君子祠及萬壽宮等俱爲之煥然一新瞻廟貌者咸額手稱慶焉章廷珪有記堯陵同時修葺詳見陵墓

文王廟 在縣治東明萬 十九年知縣邢雲路建今廢

魏道武帝廟 世祖太延元年有白雉三隻集於平陽太祖之廟 唐天寶中後魏道武皇帝廟以

太尉長孫嵩中書令崔元伯配今廢

關帝廟 在普右坊明西河二王繼修萬 間指揮呂應岳拓修增寢殿

國朝康熙三十四年四月六日地震傾塌盡廢知府王輔重修前殿四十六年知府劉榮建正殿并後寢殿雍正

三年

勅封帝三代公爵魯祖爲光昭公祖爲裕昌公考爲成忠

公供主後殿雍正五年復奉

帝每年春秋二仲月各致祭一次五月十三日復致祭焉

有廟州縣原各建歲祀如制

唐太宗廟在城東十五里明正統五年重修

穎川忠襄王廟元孫元祀今廢

李衛公廟在東關外

無佞侯廟一在城東三十里卧龍岡為上廟一在城東二里為下廟俗傳神臨汾人為浮山令使民

築堰引潞河水灌田又嘗陰助唐太宗伐宋老生有功封護國無佞侯歲旱有禱輒應故民祀焉

醫師廟在東門外明萬一間知縣邢雲路建

太歲廟在城西北隅明永樂間建

雷神廟在大德坊

火星廟

在關帝廟南

國朝順治間守道王無咎知府徐來麟建

鎮汾廟

在城外西北半里許

龍王廟

在關帝廟東

馬王廟

在府治東

汾水神祠

在城西一里俗稱河神廟

平水神祠

在西二十五里平水上世祀神龍金毛麾康澤王廟碑劉淵據平陽時築陶唐金城有

韓媼得巨卵嬰兒化蛇之異斬蛇尾而泉湧焉資以灌

既因祠之曰龍子祠旱禱輒應新舊圖經寰宇記所

載並同宋熙寧八年封澤民侯額曰敏濟崇寧五年

知府盧齊公宣和元年申庚申正月有異天右二

元三年政和四年感應碑元將令江陵黃氏創獻殿設齋廳置風師雷師山靈河伯諸殿廟門仍曰敏濟中門

三門曰善利正殿曰康澤後設龍母殿以事韓媼

國朝康熙三十四年傾圮四十六年知府劉榮禱雨有應
重建兩廡有雷電風雨神祠歲三月三日致祭雍正十一年重修
宋王士元陳賡金殿成已元曹之謙胥有

詩

澇水神祠

在城東北八里澇水渠上歲三月十日中午致祭

澆泉神祠

在縣東南二十里東亢村舊名深泉金時曰亢元曰澆禱雨輒應

曹相國祠

在平善坊祀漢相平陽侯曹參

舞陽侯祠

在城東二里祀漢舞陽侯樊噲明洪武十九年修

霍將軍祠

在府城西八里祀漢大將軍霍光唐天寶七年建

國朝順治

年重修

華陀廟

在西關外

三太守祠

即晉山書院在府治東北明德坊明嘉靖三十四年知府王楠建祠祀太守南昌徐鐸京

衛李琮任印閔槐題曰親賢堂以三太守有功德於民云今廢

王公祠

在城北五里高河橋上知府王濤修橋民爲立祠祀焉

劉公祠

在北關外同知劉衍祚築堰開樊家河溉田民爲立祠祀焉

盛公祠

在大中樓南去思碑在府門

胡公祠

一在東關一在南關去思碑二俱在南關

邢公祠

在北關明知縣邢雲路以修樊家河民祠祀之

張恭肅公祠 在普佑坊祀尚書張潤

多羅謙郡王祠 在鼓樓東王諱
瓦克達謚襄

國朝順治五年以大將軍撫未靖駐劄平陽鎮靜不擾兵
民感德建祠以祀

忠義孝弟祠 在縣文廟戟門
西雍正五年奉

勅建祀前後忠義孝弟之人每年春秋二次有司致祭餘
州縣如制

崇祀姓氏附

明 郭維藩 亢孟禴 孫養志
續 鳳 張 璽 亢良玉

國朝 周遠祚 王永命

節孝祠 在縣文廟外東
偏雍正五年奉

三陽序
卷之二
勅建祀前後節孝婦女規制祭祀與忠義祠同餘州縣如制

崇祀姓氏附

國朝 秦李氏

襄陵縣

三皇廟 在龍崗峪西峰

軒轅廟 在縣東南赤鄧村元至元十年重建

舜廟 在縣南東柴村明萬四十六年重修

國朝康熙七年五十六年前後加修

成湯廟 在趙曲鎮 縣志作湯王廟

伯益廟

在縣治西南興義坊元至元六年建明正統間邑令張柔重修教諭劉元撰記

卧龍祠

舊府志縣志俱作諸葛武侯廟在縣東南興光村通志作卧龍祠祀諸葛武侯元劉中記

賈將軍廟

在縣西南賈朱村祀漢膠東侯賈復

三義廟

在興義坊元至正五年明隆慶五年修

河神廟

在縣東水關汾河西岸明洪武六年建

后土聖母廟二

一在縣西南南許村一在城南村御筆故城

席老師祠

在縣東席村元至正二十年重修

東嶽廟二

一在東南東張村元至正八年重修一在北許村金大定元年建

國朝重修

修

巢許祠

在縣東南荆村下有水名曹溪舊志作巢父祠

金火廟

在縣南京安鎮元延祐七年建

留侯祠

在縣東南東張村

蒙溪先生祠

在縣東南張纂村元延祐四年建祀平陽路儒學教授張著翰林學士王惲撰碑子

儒學提舉
思敬記

華池神祠

在縣姑射山之南華池峪

卧龍神祠

在東南四十里崇山上相傳隋時有巨蛇卧其上故名舊志云元延祐三年重修祈雨

輒應張思敬記至正己亥監邑仲威公禱雨靈應教諭陳敏記二十四年重修劉中記一云祀諸葛忠武侯

平水神祠

在平山之麓山下出泉泓分灌臨汾襄陵二縣田勅封平水泉之神即今建祠并祀

華大王祠

在育園

伯道祠

在赤鄧村

張公祠二

在通信坊者已廢其一在柳林鋪西公諱國彥

蕭公祠

在東水關廂今廢公諱大才

房公祠二

一在南關廂一在趙曲鎮今廢公諱世麗

陳公祠

在學西今廢公諱昂

楊公祠

在按察司右今廢公諱作楫

馬公祠二

一在晉橋一在東郭村今俱廢公諱逢臯

薛公祠

在平政亭後今廢公諱所蘊

高忠節祠
在學西

翟公祠
在儒學西公諱師雍明季本縣人歷官至左布政詳見人物

忠義孝弟祠
在儒學內

崇祀姓氏附

明 盧 淵 盧 瑄 邢 雷 喬 玘 邢 潮
喬 淮 喬 栢 喬 可與 邢 弟 喬 堯典

國朝 喬堯仁 張元聲 喬運閬 邢以懃 梁邦英
吳承姬 盧建勲 程士偉 張添慶 郭明福

李建魁 任冲雲
李建福 宋邦顯

節孝祠
在東關廂

崇祀姓氏附

元 靳張氏 杜姚氏 明 吳王氏 解李氏 高王氏

秦吉氏 吳白氏 吳馬氏 郭鄧氏 劉梁氏

張賈氏 梁翟氏 張李氏 加王氏 郭元氏

郭薛氏 盧解氏

狄梁氏

國朝

李霍氏 翟段氏 崔陳氏 梁秦氏 張郝氏

裴李氏 李翟氏 宋劉氏 張王氏 楊孔氏

梁張氏 楊亢氏 朱梁氏 趙鄧氏 蔣賢女

梁席氏 許李氏 徐楊氏 徐盧氏 楊郭氏

盧王氏 段李氏 崔張氏 王趙氏 張章氏

張武氏 霍趙氏 翟韓氏 衛霍氏

洪洞縣

三皇廟 在東十五里故縣村元至順三年建

伏羲廟 在縣東南五十里卦底村廟後有塚元大德十
年建廟東有畫卦臺相傳伏羲畫卦處

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

媯皇廟

在東南十五里范村元大德十年鄉人張元慶建

黃帝廟

在縣西十里公孫村元至正十四年里人侯義夫建

堯廟

在羊獮村元至正間鄉人楊道甫建

舜廟

在園頭村宋天聖七年鄉人李良輔建

娥皇女英祠

在西二十五里英山上

虞士師廟

在縣南十五里臯陶村東北高阜通衢南向元元統二年里人段亨建廟明景泰初叅政

祝顥知縣尹鑑重修顥撰記嘉靖元年巡按王秀檄知縣孫巨鯨增修韓忠定文僉事李濂胥撰記並置廟器

國

朝雍正七年重修因工程重大陸續整理至十二年知

府章廷珪捐俸若干飭知縣余世堂經理又得邑紳樂

輸遍加葺治至十三年春工竣章延珪顏其額曰謨明

彌諸余世堂顏其額曰明刑弼教并為記詳藝文

宋

李叔真夢王廟碑云汝陽古夢國也堯封皋陶之冑是
之後為楚所滅文仲聞而哀之曰皋陶不祀其可忽
乎夢滅羅於宋季凡二千載山麓斷礎之間遺祠猶存
後增長源王顯潤王迭為配享 宋五禮新儀祀帝有
虞氏於道州以虞相廷堅配 通志按祝顥記云城南
一十三里官道東有皋陶墓道西原上有祠地可百弓
坦平與壇面離闢戶繚以周垣祠屋三楹中肖神像旁
設香燭數楹制皆全儉予按部茲邑命有司封植其墓
正其祠額凡地里傳舍觸神諱者改之 尚書汝作士
廟額止宜稱士士師乃周官也故事祀皋陶於廷尉寺
晉禮移祀
於律署

師曠廟

一日聰聖祠在師村東百步 韓非子晉平公

隨之裂帷幔破俎豆墮而瓦

淮南子師曠瞽而為太

宰晉國無亂政

金大定四年鄉人文子義建廟三楹

後為寢宮前為享亭中有像趙廣聰撰記元大德八年
里人任安仁至正二十四年里人楊政胥重修處士張

守大撰記云縣東二十里有聚落曰師相傳爲子野故里里之東百餘步遺墓尚存祠建墓旁一云絳人明范嗣纂公言行各散見者並後人文賦詩歌錄爲四卷曰聰聖志

真武廟 在孝義坊元至大元年建明永樂十五年重修

孫真人廟 在縣南三里秦堡里元至元二十四年建祀唐高士孫思邈明嘉靖間又建會仙閣萬

間重修

韓仙君廟 在縣東二十里蜀村宋至德元年里人范信建元至元元年楊義重修相傳韓仙跨鶴飛

昇處

英山神祠 在縣西三十里

婁山神廟 在縣西四十里圈頭村婁山上元至正間建

太歲廟 在孝思坊明嘉靖間建

祆神廟 在德化坊元大德七年建至大二年重修

東嶽廟 在城朝賢坊元大德年建明永樂嘉靖間修

西嶽廟 在縣北十里北洞里元至順間建

中鎮廟 在縣南靳堡村

元帝廟 縣西北三十里乾元山康熙三十年建頗稱勝蹟

靈貺廟 在縣南三十里上張村元皇慶元年建

劉徽柔祠 安次人金天眷二年進士任洪洞令有異政秩滿邑人立生祠刻石頌德今廢

鄭忠肅公祠 在縣南十七里下橋村元至正十一年建祀鄭鼎因鼎有開麗渠功故祀之

韓忠定公祠

明武宗初劉瑾恣橫公首疏劾奸祠舊在城北賈村之原巡按御史黃洪毗建萬

壬寅縣令周永春以廟址西逼汾水改建城中恒德里故社學堂六楹邑人邢大道撰記

晉公祠

按縣志銓衡晉公祠在玉峯門內朝賢坊

國朝康熙四十八年平陽府知府劉諱榮覽府志載請兵守城有功民社檄邑令陳兆業建初列主以祀云云並不詳述晉公何名何官何許人通志亦未收今攷舊府志洪邑人物內載有晉淑抃由進士初任工部主事轉兵部主事陞吏部員外崇辛未流寇猖獗逼城公走書請兵協謀守禦竭勞盡瘁民乃得安云云則晉公為淑抃為邑紳無疑矣併錄備考

金城祠

在東嶽廟東南隅明崇間紳士里民創建祀邑令王公詔邑紳太僕卿韓廷偉僉事王三接

員外晉朝臣知縣韓廷芳叅政劉應時都御史晉應樞御史于應昌也掾史楊應科李桂等義民柳成條南山

等分列焉先是隆慶丁卯歲敵兵逼晉攻陷石州石汾
屬也距洪僅四百里決辰可到時聞警戒嚴謀所以禦
侮者深且脩會敵騎北旋諸公念城垣卑薄不足恃僉
謀甃以甃高厚而堅後天啟壬戌流寇猖獗蹂躪四境
焚掠居廬民物幾半三薄城下安堵如故一時都人士
請之邑令建立專祠因額曰金城春秋祀之報厥功也
東明神 魏地形志洪洞有東明神今祀典無存

忠義孝弟祠 在儒學內

崇祀姓氏附

虞 臯 陶 師 曠 漢 邾 都 魏 徐 晃 元 孫 抑

明 衛 英 李 果 劉 榮 許 翔 鳳 王 三 接
韓 文 劉 應 時 晉 應 槐 晉 承 命 晉 朝 臣

劉 延 臣 韓 廷 偉 晉 淑 朴 鄭 綱 劉 恭
晉 承 眷 劉 令 譽 范 祖 文 衛 希 相 周 敏

商麟	晉統	晉承賓	張滿
李蘭	石永春	陰祿	

國朝	晉淑軾	李脉健	周自新	范邵昂	劉我義
劉我禮	劉鎮	李鼎生	劉誌		

節孝祠 在邑北門外

崇祀姓氏附

明	吉范氏	韓宋氏	柳吉氏	郭石氏	續胡氏
郭商氏	衛韓氏	南鄭氏	韓左氏	鄭裴氏	

岳孫氏	韓李氏
董韓氏	王孔氏

國朝	楊陰氏	安員氏
----	-----	-----

浮山縣

帝堯廟 在縣東八里堯山上金皇統三年邑宰牛承直重修高平范燾記相傳堯嘗避暑茲山有聖代

記碑

禹湯廟

在縣北十里南王村唐建元大德九年錄事沈永之重修以伯益伊尹配

國朝康熙年

間增修

成湯廟

在城北街明崇禎間建

司空廟

在縣東南二十里風穴山上今呼為司空山即大禹也

唐太宗廟

在秦王嶺太宗既破宋老生於霍邑從霍山東分兵間道潛行至此曾率游騎轉戰於栢

壁村因

立廟

堯姑廟

在縣西北三十里楊村河西

嘉潤侯廟

在東峯山右泉曰華池唐開元十八年勅建祀左伯桃今稱二峯神歲四月八日有司致

祀左伯桃羊角哀燕八聞楚王善待士同入楚值雨雪
糧少併糧與哀令入爭楚自餓死於空樹中哀至楚為
上大夫言於楚
王脩禮葬伯桃

孚祐將軍廟

在龍角山西峯上祀羊角哀宋開寶六年
重修校書郎李承翰撰記

洪道真君廟

在縣北八里栢村溝宋元時建一名小澗
龍王歲四月十八日土人享賽

聖王廟

在東二十里要裏莊明初建基宇崇閎東路七
十餘社報賽於此

龍王廟

在西二十里浮谷鄉有龍池

浮山神廟

在縣西南十里唐時建世傳邑令沒為神係
臨汾人後追封無佞侯廟在梁村鎮

清源王廟

在縣東南十五里金大定二年建名濟廟溝
有池水幽深清澈土人以為濟水眼

李靖廟

在王村鎮唐時建

大生廟

在南十里大衛村規模闕麗宋時重建即東嶽也

忠義孝弟祠

在儒學內

崇祀姓氏附

明

齊國賢

高象先

侯

讓

節孝祠

在西門內

崇祀姓氏附

元

衛馬氏

明

許張氏

郭張氏

蓋張氏

侯陳氏

國朝

高張氏

趙城縣

中鎮霍山廟

在東北四十里霍山之麓苑川里宋乾德五年重修節度判官閻光記節度副使張

仁藝書金大定二十八年重修宣武將軍行縣令仇守中撰記邑狀元及第王綱書

華胥廟

在侯村祀華胥聖母漢建和中建

伏羲廟

舊志在東南伏牛村元至大初建

媧皇廟

在東門外五里許侯村里 風俗通女媧禱祀神祇而為女媒因置婚姻 帝王世紀云女媧

氏風姓也當大化之初以木德王肇嫁娶製笙簧煉石

補天斷鼇立極 唐天寶六年重修 宋開寶六年於

趙城得媧皇原廟遂命中使歲事有司揆功特新祠宇

裴麗澤撰碑銘并序乾德四年詔給守陵五戶長吏春

秋奉祀政和三年仲春仲秋享女媧氏於晉州金時重

修王綱撰碑銘并序元至元元年羽士張志一重修廟

貌宏敞廣盈五里大德癸卯地震傾圯明洪武三年遣

官賣金香盒一重十六觔命有司常加修葺以附近人

戶寸之有司春秋肅祀三歲遣官致祭改元亦然正統壬戌廟災祇存後毀邑令何子聰奉勅新之奉政大夫越府左長史宋拯撰記嘉靖甲子復災重修寢廟教諭竇經撰記嘉靖六年遣東寧伯焦棟致祭三十五年遣戶部左侍郎鄒守愚致祭是年三月七日鄒守愚率山西按察司副使汪來僉事趙祖元致祭胥有祭文

國朝順治八年遣官致祭

諭祭文曰自古帝王受天明命繼道統而新治統聖賢代起先後一揆功德載籍炳如日星朕誕膺

大眷紹續丕基景慕前徽圖追芳躅明禋太典用宜肇隆敬遣專官代將牲帛爰修殷薦之誠用展儀型之志伏惟格歆尚其薦饗康熙七年遣官致祭二十七年遣官致祭

諭祭文曰自古帝王受天明命御膺圖朝代雖殊而繼治同道先後一揆朕承眷佑臨制萬方稽古禮文肅修祀事茲以

皇祖妣孝莊仁宣誠憲恭懿翊天啓聖文皇后神主升祔太廟禮成特遣專官代將牲帛虔修禮祀之典用抒景行之

忱仰冀明靈鑒茲誠懼三十五年遣官致祭

諭祭文自古帝王繼天出治道法兼隆莫不慈惠嘉師
覃恩遐邇朕勤恤民依永期殷阜邇年以來郡縣水旱
間告年穀歉登早夜孜孜深切軫念用是專官秩祀爲
民祈福冀靈爽之默贊溥利樂於羣生尚鑒精忱俯垂
歆格三十六年遣官致祭

諭祭文自古帝王受天景命制治綏猷必禁暴除殘以
乂安黎庶緬懷往烈道實同符朕欽承帝祉臨御九區
茲以狡寇跳梁親征漠北蕩滌邪氛廓清邊徼永消兵
革以與普天率土樂育太和敬遣專官代將牲帛昭告
在先哲后虔修禋祀式彰安懷之模用展景行之志仰
企明靈俯垂鑒饗四十二年遣官致祭

諭祭文自古帝王繼天立極出震承乾莫不道洽寰區
仁周遐邇朕欽承丕緒撫馭兆民思致時雍常殷惕厲
茲歷四十餘載今歲適屆五旬宵旰兢兢無敢暇逸漸
致民生康阜世運昇平頃因淮黃告成親行巡歷再授
方畧善後是期觀民志之歡欣滋朕心之軫恤適因鑒
馭大沛恩膏用遣專官敬修祀典伏冀默贊邇隆之

益弘仁壽之休尚鑒精誠俯垂昭格又

諭祭文曰朕勤求治理眷念西陲農隙巡行省方問俗適河東之大郡聯古帝之舊陵松栢猶存感德往昔惟帝功垂人世名著簡編永皇初沕穆之風啟中古文明之治考稽歲遠瞻企心殷特遣專官用申禋祀神其鑒格尚克來歆五十二年遣官致祭

諭祭文曰自古帝王繼天出治建極綏猷莫不澤被生民仁周寰宇朕躬膺寶仰紹前徽夙夜孜孜不遑暇逸茲御極五十餘年適當六旬初屆所幸四方寧謐百姓乂和稼穡歲登風雨時若維庶徵之協應爰羣祀之虔修特遣專官式循舊典冀益贊雍熙之運尚永貽仁壽之庥俯鑒精誠用垂歆格五十八年遣官致祭

諭祭文曰自古帝王受天景命建極綏猷垂萬世之經常備一朝之典禮朕欽承

帝祉臨御九圍夙夜惟寅敬將祀典茲以

皇妣孝惠仁憲端懿純德順天翼聖章皇后神主升祔

太廟禮成特遣專官代將牲帛用展苾芬之敬聿昭禋祀之虔仰冀明靈尚其歆享雍正元年遣官致祭

諭祭文曰自古帝王繼天出治建極綏猷莫不澤被生民
仁周海宇維我

皇考峻德鴻勳媲美前古顯謨承烈垂裕後昆朕以耿躬續
膺大寶當茲嗣位之始宜修享祀之儀特遣專官虔申
昭告惟冀時和歲稔物阜民安淳風徧洽乎寰區厚德
常敷於率土尚其歆格鑒此精誠二年遣官致祭

諭祭文曰自古帝王體天立極表正萬邦愷澤徧於寰宇
仁風及於奕禩朕丕承大統遙契曩徽茲於雍正元年
十一月二十五日恭奉

聖祖合天鴻運文武睿哲恭儉寬裕孝敬誠信功德大成仁
皇帝主配享

圜丘禮成特遣專官虔申昭告惟冀永贊修和之治益昭安
阜之庥鑒此精誠尚其歆格雍正十三年十二月初八
日遣官致祭

諭祭文曰禮崇典祀光俎豆於前徽念切景行薦馨香於
往哲維帝王繼

天建極撫世誠民豐功焜耀於簡編駿烈昭垂於宇宙潮
典型於在昔凜法監之常有朕以耿躬繼登大寶屬

圖之伊始宜展祀以告虔特遣專官祇遵彝典苾芬在列備三獻之隆儀

靈爽式憑仰千秋之明德

尚其歆格永錫鴻禧

造父廟 宋政和三年賜趙城縣造父祠為慶祚廟

趙簡子廟 在縣東北三里許廟在塚之前明正統十二年重修

豫讓廟 在縣南八里許官路之右有古碑一座圍以垣牆

紀信廟 在縣上紀落里元至正年建明一統志云紀信祠後有墓

樊噲廟 在縣樊村里後有塚在焉

真人廟 在縣石明里為姜善信郭元長建

忠義孝弟祠 在儒學內

崇祀姓氏附

周 蘭相如 漢 樊 喻 王 懌 金 田 忠良 元 李 忠

明 賈維新 王應復 張維紀 張 閱 衛宗康

李 孔 聽 劉天衢 王 省 劉純陽 劉登第

國朝 衛延璧 晉大忠

節孝祠 在信義坊

崇祀姓氏附

元 徐張氏 李宋氏 明 賈李氏 賈師氏 王 賈氏

郭張氏 楊 氏 劉賈氏 賈師氏

師王氏 賈羅氏 張王氏 張雪梅 賈史氏

楊喬氏

國朝 衛晉氏

太平縣

媧皇廟 在縣北門內街西

軒轅廟 在縣東十五里南賈村又東南三十里永固村
北二十里蘇家莊胥有廟

帝堯廟 在東南三十五里宋政和二年重修

帝舜廟 在西一里元大德二年重修

禹王廟 在東南十五里明正統七年建

成湯廟 在南關廂街西

古虞官廟 一在縣東北社村有伯益墓在焉明崇
年知縣魏公韓修復一在縣北五里張高村

國朝康熙十一年知縣何偉然重修一在中黃村一在趙雄莊惟北社村廟在墓旁且有墓田一百四十餘畝明時無糧順治七年清丈編入東沙里九甲每年額徵銀陸兩四錢係守墓僧耕種辦納康熙四十七年知府劉榮檄知縣顧欽查勘令於墓外週圍留地數畝不得犁種封隴植樹木高其垣墻其墓旁祠宇正殿三楹並獻殿樂亭大門二門一切新之張高村者亦為整葺立有碑記

荀息廟

在縣東北二十里荀村

董狐廟

在縣東北二十里董村

趙大夫廟

在縣南十五里汾陽村祀晉趙宣子盾

祚德三侯廟

在南二十五里古晉城北門外 宋建隆

初詔恤前代功臣烈士於是晉程嬰公孫杵臼置守塚三戶元豐四年邵武承議郎吳處厚上言臣嘗讀史記考趙氏廢興本末當屠岸賈之難程嬰公

程杵白盡死以全趙孤宋有天下二人忠義未見褒表
宜訪其墓域特爲建祠帝覽其疏矍然時鄆王疾亟卽
以處厚爲將作丞訪兩墓於絳封侯立廟嬰封成信侯
杵白封忠智侯立祠墓側載之祀典 勅碑云中書門
下牒程嬰公孫杵白牒奉勅趙氏之先始大於晉下宮
之難程嬰公孫杵白以死脫孤兒復存趙宗忠義著焉
自昔有功於世者罔不廟食况國家胄緒之所出嬰杵
白有立孤續絕之德而常祀不載良爲闕典朕命使者
訪其塋墓得之於絳宜卽建祠疏封侯爵威靈如在永
食厥土程嬰宜特封成信侯公孫杵白宜特封忠智侯
牒準勅故牒元豐四年七月牒 元符三年臣僚言按
史記韓厥之功不在程嬰杵白之下請於祚德廟設位
從祀之崇寧三年詔封厥義成侯 寶慶二年十一月
詔修祚德廟又西北六里程公村有程嬰墓縣西北十
里三公村有杵
白墓各有祠

韓獻子祠 在縣西六里厥店村

李將軍廟

在縣東北十里北李村祀趙將武安君牧父縣西五里孝子村有李將軍墓

浮惠聖母廟

一在景毛村一在陳郭村一在西姚吉村

后土東嶽廟

在南二里元至正六年建

五龍廟

在城東元至元中建前有雩風亭迎春禱雨

文中子祠二

一在東南三十里萬王里元至順四年縣令郝信臣建旁有墓又有龍門溝讀書洞

遺蹟一在衙門外明平陽府通判黃鍾建有司春秋致祭嘉靖十四年縣令耿儒重修有記

牛尚書祠

在東南二十五里東牛村祀隋吏部尚書牛

三公祠

在清儲鎮省民亭祀明渭南侯于魯張誼

國朝西充趙心忭歲

二月十二日致祭

忠義孝弟祠 在儒學內

崇祀姓氏附

周祖朝荀息趙衰董狐趙武	周李離李牧公孫杵臼程嬰韓厥	靈轍隋王度唐王珪王昶敬暉	李榮	王質宋王益柔元張利明毛俊馬鸞	趙德儼	李鉞王體復楊天民張鯢化郭衛宸	王椿韓智張裕郭萬里李德義	丁朋益李讓韓聚源梁政趙德	衛福張榮魁盧登李秉霖胡澄	張曹語張思讓王之慎張思溫楊春濤	張進善門中俊馮永德鄭延紘高芥	盧允昂柴柱宇張希韓尉之魏馮熊	王扶殿高榜賈珍田一照韓瑄
-------------	---------------	--------------	----	----------------	-----	----------------	--------------	--------------	--------------	-----------------	----------------	----------------	--------------

張其忠 張寶珍 楊天職 衛邦德 陳玉度

李印芬 王象斗 柴爾棟 盧絃 李弼唐

王漢卿 衛良輔

柴壯國 楊蔡

國朝

鄭明良 李敏 王錫韓 張問政 鄭璧

楊冲霄 李作梅 蘭完璧 丁健 曹景珍

丁詔 巨國士 趙侯珍 崔養珍 王立隆

鄭公亮 王洽 王澤浩 鄭棟 張寵猷

支大任 李驥 賈漢章 王履浩 李克孝

張廣 李祚 薛企瑄 張挺 李有本

王恂 梁慎幾 王士珪 李希靖 陳奇論

王登魁 陳仰博 陳雄藩 劉祖武

節孝祠

在城內鼓樓東

崇祀姓氏附

齊姜元 王賈氏 明楊氏 張鄭氏 李張氏

郭李氏	柴儀氏	柴張氏	吳衛氏	趙趙氏	趙賈氏	李儀氏	王趙氏	李張氏	郭張氏	李楊氏	張李氏	衛吳氏	薛張氏	薛馬氏	李郭氏	衛趙氏	衛楊氏
侯韓氏	張馮氏	高張氏	衛趙氏	王曹氏	楊衛氏	儀賈氏	張衛氏	趙祁氏	郭王氏	趙衛氏	胡董氏	柴王氏	段劉氏	李衛氏	劉尉氏	柴張氏	鄭楊氏
張趙氏	韓張氏	王柴氏	衛席氏	衛毛氏	楊張氏	李張氏	曹李氏	劉李氏	朱尉氏	李柴氏	王梁氏	尉丁氏	盧李氏	王張氏	田趙氏	衛李氏	高王氏
張寧氏	李張氏	毛路氏	曹張氏	衛丁氏	許吳氏	梁毛氏	盧張氏	李楊氏	孫邢氏	梁關氏	李楊氏	衛好艾	柴衛氏	王田氏	王田氏	柴衛氏	張李氏
王唐氏	王衛氏	韓柴氏	高王氏	衛楊氏	王師氏	馮張氏	王梁氏	張牛氏	楊姚氏	王興娥	衛單氏	衛王氏	柴張氏	趙李氏	田李氏	衛趙氏	衛趙氏

賈李氏

賈張氏

史王氏

史賈氏

尉李氏

陳原氏

董李氏

李張氏

李薛氏

盧屈氏

李柴氏

原楊氏

柴賈氏

趙盧氏

柴李氏

柴張氏

王曹氏

鄧李氏

張李氏

王高氏

鄭邢氏

張楊氏

丁孫氏

陳許氏

宋張氏

丁張氏

梁楊氏

宋柴氏

柴丁氏

曹衛氏

曹柴氏

關王氏

白周氏

戴王氏

賈梁氏

許張氏

李張氏

劉郭氏

關王氏

楊張氏

曹李氏

岳陽縣

開天殿

在金堆村祀伏羲神農黃帝少昊顓頊帝

帝舜廟

在城北

御大夫祠

在北門外

安樂廟

在縣東

中鎮行祠

在城西北隅

元武殿

在西北七十里霍山頂順治間邑人李夢辰記

忠義孝弟祠

在儒學內

崇祀姓氏附

明

樊進學

樊光彩

段光彩

周三光

王宗璽

李茂彩

邢一科

賈良璧

馬化龍

張進寶

王淦秋

師敬

李蒲庫

國朝

范起鳳

趙枏

節孝祠

在儒學右

崇祀姓氏附

明

黃郭氏
劉趙氏

張王氏
黨賀氏

趙王氏
李楊氏

楊喬氏
石任氏

趙陰氏
任李氏

曲沃縣

黃帝廟三

一在喬山中峯後周顯德時建今廟燬石柱
鐵瓦猶存遇旱禱者有片雲止簷際輒雨

史記黃帝葬喬山皇覽曰喬山在上郡或曰茲山葬黃
帝之衣冠巴陵楊一清有詩一在城列字約本濟瀆廟
後入於廟西鑿井得古碑大書黃帝廟三字其陰為皇
帝贊因改祀黃帝土人名井廟井在今天池內北對學
宮一名硯池一在蒙城鎮明知縣劉璣建制極壯麗
國朝康熙三十八年重修有司肅祀縣令潘錦記

成湯廟

在城絮字約

濟瀆廟

一在東關一在濟溪一在城元延祐中邑人於
濟源燒香至老辭神曰今老不能再至及抵

行李中得一龜神之而立廟四月十八日祀之會集之賈

秦子令將軍廟 在秦村有碑相傳晉文時人

荀息廟 在縣北十里又荀王村有墓

奚齊廟 在縣北十里

介林廟 在河底村

蠶姑廟 在縣西關 舊志云介子推從重耳出亡追者甚急推以其子林代死後重耳入晉推妻並林

妻尋推至此聞焚死於綿山二人投井而死鄉人立廟祀之爲蠶姑廟一云本名殘苦廟哀其事也

臺駘祠 在縣西三十里臺神村見一統志

晉恭世子祠 在城而字約下西門內世子卒於新城邑人祀之見一統志事實詳見人物

程公祠

在縣西晉賢士與孔子相遇傾蓋而語者卒葬於此並立祠見一統志事蹟詳人物內

李莊簡公祠

在明南莊祀明禮部尚書李浩春秋有司致祭公於正德中以劉瑾擅政致仕壽八

卒

賈大司馬祠

在古南門外為尚書賈漢復建

節烈祠

在縣治西初祀縣令王明善

國

朝康熙三十四年知縣潘

錦改祀本縣烈女有記

忠義孝弟祠

在儒學內

崇祀姓氏附

周

申生

藥賓

士為

杜原款

荀

自

畢萬	解揚	魏顗	魏絳	士燮
荀首	羊舌職	羊舌肸	祁奚	
荀至	伯宗	呂錡	士渥濁	
荀賓	欒糾	張老	鐸遏寇	
程偃	程鄭	師曠	漢	強
程本	公肩定	史緒	鄒	智
唐裴泰	宋許孝恭	許天麟	元李謙亨	榮
靳和	劉尚質	許辰	仇敬	李新民
靳頡	許國	郝修已	王七	
曹端	耿純	靳驍	郭清	因禮
李進	李浩	邢彪	李鏞	梁綸
李廷寶	許遜	李明性	李尙思	李日強
劉朴	呂乾健	李大嘉	李承志	因柱
郝根	李鎮	李承寵	裴良積	衛根陽
蘇州俊	張國光	衛嘉孚	衛嘉遇	李齊沆
王維藩	上官蓋	閻重光	許承禧	盧閣
李案	李丕挺	郭允升	秦邑岐	衛蒿

國朝

衛周允

衛周祚

賈生芝

賈漢復

賈國楨

蘇加誠

仇昌祚

徐漸忠

王大作

李大芳

節孝祠

在縣署西

崇祀姓氏附

元

李文氏

明

李張氏

常俊俊

吉賈氏

許吉氏

張李氏

賈張氏

李衛氏

許上官氏

張房氏

王史氏

趙劉氏

陳衛氏

鄭陳氏

李王氏

因仇氏

盧王氏

梁楊氏

梁李氏

李王氏

梁成氏

周王氏

任王氏

李張氏

趙郭氏

高許氏

任王氏

國朝

吳衛氏

衛許氏

衛李氏

許李氏

李許氏

張

董氏

賈邨氏

梁仇氏

李尉氏

呂許氏

李解氏	郭行氏	趙禱氏	趙李氏	郭趙氏
李馬氏	李解氏	柴秦氏	衛張氏	李宋氏
席賈氏	劉周氏	秦張氏	趙呂氏	魯常氏
郭許氏	衛張氏	李秦氏	董賀氏	張仇氏
段任氏	裴上官氏	因郭氏	秦任氏	董王氏
王吉氏	秦董氏	呂郭氏	李楊氏	張許氏
朱許氏	郭靳氏	楊王氏	吉梁氏	李張氏
李郭氏	王趙氏	張王氏	李衛氏	李蓋氏
張楊氏	任上官氏	仇呂氏	李趙氏	湯王氏
許衛氏	謝閻氏	蘇楊氏	許李氏	王杜氏
喬劉氏	張王氏	吉靳氏	楊靳氏	賈常氏
呂衛氏	李靳氏	上官王氏	李郭氏	張馬氏
郭董氏	徐楊氏	郭王氏	王解氏	謝王氏
盧衛氏	郭喬氏	李劉氏	閻王氏	石李氏
仇常氏	王李氏	張席氏	李王氏	王勾氏
王許氏	董楊氏	王王氏	張常氏	台韓氏
衛蓋氏	楊李氏	趙張氏	趙席氏	王王氏
上官甄氏	呂李氏	王李氏	張趙氏	吉張氏

馬李氏	張馬氏	吉邊氏	王衛氏	王董氏
傅趙氏	劉張氏	靳許氏	楊張氏	郭張氏
嚴張氏	梁喬氏	李王氏	賈梁氏	仇郭氏
王柴氏	常靳氏	黃郭氏	董尉氏	張梁氏
仇李氏	張蓋氏	王李氏	常鄒氏	柴王氏
李仇氏	石王氏	李許氏	許張氏	衛郭氏
常張氏	張秦氏	董崔氏	秦郭氏	董李氏
仇柴氏	常王氏	尹高氏	馬王氏	鞏楊氏
劉吉氏	李王氏	尉李氏	鞏李氏	李辛氏
李張氏	王上官氏	董楊氏	杜賈氏	劉郭氏
李衛氏	李衛氏	弟雷氏	王靳氏	崔郭氏
田柴氏	王鞏氏	杜蘓氏	衛許氏	楊張氏
樊宋氏	董王氏	常靳氏	王王氏	傅張氏
何車氏	嚴李氏			

翼城縣

三皇廟

在縣治後明崇

初建

國初增拓

丹朱廟 在丹山

唐叔虞廟 一在故城村宋天聖間重修一在剪桐坊宋天聖六年建

衛莊公廟 在廟下村衛蒯聩出奔異教民以桑麻之利民爲立廟元大德八年重修

魏武子廟 在武子莊昔晉文公出亡從者五臣武子與焉相傳食采於此因名

介之推廟 在覆釜山下相傳晉文公思之推立廟祀之一名小綿山宋提刑學士張商英有詩題廟

序云介之推不忍舅犯之要君携母去之所謂求仁而得仁者也世傳龍蛇噪排之章厚評義士以詩辯之

漢文帝廟 在威軍村東南元延祐間暨明永樂成化間咸加修嘉靖三十七年重修邑人錢士聰有

記相傳文帝訪河上翁奉薄太后至此植釵得泉故泉名釵股屯曰威軍

風雨神廟 在西望村其神唐衛公李靖按逸史云靖微時常山行民家寄宿夜將半一婦人持水甌

授之曰天命行雨煩子代之蒼頭牽青駿至戒之曰子以水從馬駿下三滴卽止慎勿多也靖乘馬咆哮從空而躍靖連滴數十滴明日一境大水卽此地

華池廟

一在羊角山北峯曰華池嘉潤侯一在羊角山南峯曰孚祐大將軍按卽浮山羊角山

廟蓋浮在山北翼在山南也

喬澤廟

在灤池前俗呼灤將廟唐大二年邑令韓佑重修宋大觀四年賜額喬澤政和元年邑令田

顯重修

有記

后土廟

在東門內古栢蒼蔚元太宗七年商酒都監尚利賓有記明萬十年建承天樓

國朝

治五年重修規

模宏麗爲邑巨觀

明慈聖李太后廟

在城西馬仙莊明崇間建慈聖太后者邑馬仙莊李偉女也少喪母

父客燕穆宗在裕邸時選為才人後得幸生神宗及潞王穆宗崩神宗即位冊號慈聖皇太后初有識者過其覽翔澮之奇以為有王者氣已而后果貴

泰山廟

在北門外水清鎮西北明嘉靖十一年參政吳廷翰改書院今復為廟

潞公祠

在教諭署西南祀潞公文彥博有塑像碑存

何將軍祠

一在北門內大街東一在河東下順治七年闔邑公建一在南常村餘鄉多有之將軍姓

何諱斯盛字際韶秦之鎮番人也少任俠多勇力善射前明嘗以邊功為懷遠將軍於

國朝順治五年兄斯美知翼城縣將軍來省焉適姜襄之亂四方應者以百數翼東山煤備安定國以燒香聚眾間壤變亦揭竿起聚至數萬擾亂曲翼間平水所治皆為賊據將軍與兄協謀繕墉練眾身親枹鼓百戰而以城免會賊設伏餌敵戰於澮濱賊佯北將軍逐焉忽馬仆墜於地格鬪不已為賊所害邑人哀之遍為立祀歲

時享祀不絕時同難者有柳吉祥王國寧史養性常進
忠蘇溜子聶黑子鄭奇段大力裴十樂郝時張康康
孔日進燕小僧李浪馬化豸周啓祥楊國科常洪灼李
沛然姜倉倉李芬高管管任成都范國明張付論侯康
子二十六人在城廟有按察王廷諫碑記河下廟有教
授王三輔述畧大中丞上官鉉撰記

石姑神祠

在北十五里龍女村有善淵土人傳張老夫婦於淵旁得一卵持歸化為女同居飲食常

豐給後入石姑山石縫土人祀為石姑神

李侯祠

有二一諱嵩一諱上淳俱在城西

趙侯祠

堪在衙道

何侯祠

斯美在鐘樓北

忠義孝弟祠

在儒學內

崇祀姓氏附

明 劉應聘 王三錫 劉思聖 王師帝 陳 琮
陳 瀚 劉元真 張 瑤

國朝 何斯盛 楊效榮

節孝祠 在西門內

崇祀姓氏附

明 常呂氏 常陳氏

國朝 蘇王氏

汾西縣

青山龍王廟二 一在青山頂金大定中建元皇慶初重修
隰州學正孫文通撰文延祐二年明

洪武三年有重修一在縣西門外正殿三楹元至正十
五年建明成化中重修

國朝康熙十三年縣令蔣
鳴龍增建饗堂二楹

小潺龍王廟

在東北五里禱雨輒應又有高天龍王廟
在城西古郡村

轟轟澗龍王廟

在東十五里神號淵逸真人屢著靈應
康熙十三年縣令蔣鳴龍以禱雨重建

九天聖母廟

在下園栢村

藐姑仙人祠

在西六十里姑射山

真人祠

在青山嶺山麓有真人洞榜曰真人祠宋時建
金朝棟有記元至元三十一年重葺大德七年

地震圯至大二年重葺
縣州學正孫文通記

商山神祠

在東南六十里商山嶺

百神廟

在坂底村

毛公祠

東門內公諱炯

褒忠祠

學宮西祀明殉節保安知州閻生斗

忠義孝弟祠

在儒學內

崇祀姓氏

無

節孝祠

在邑東門內

國朝

薛郭氏

靈石縣

媯皇廟

在南關鎮

禹王廟三

一在城西北望川原上一在西南王禹原胥傳禹治汾過此一在舖頭村

介之推廟

在東三十五里錦山下相傳晉文公求推不得縱火焚林推抱樹死樹名黃蘆惟此山枯

榮各半後人廟祀之今號神林明嘉靖十七年縣令种奎增建張騰芳記

子夏廟

在西一里子夏里之南卽河東公祠明治中重修邑人都御史吳琬撰記

淮陰侯廟

在南二十里金明昌間建元大德中增葺至正庚子又重葺集賢學士歸賜撰記縣志

縣南有韓侯嶺高祖征陳豨呂后斬信未央宮函首來送值帝師還過此遂葬之嶺上相傳廟像卽遺像云雍

正十二年和碩果親王道經此題額曰漢代人傑

義勇武安王廟

在郭家溝橋北明萬間知縣白夏重修撰記

李衛公廟

在小水鎮西岳廟內相傳李靖遇此髯公於此有英雄奇遇坊

河神廟二 一在冷泉鎮 一在張家莊

金水龍王廟 在城北堤又余莊村西河村胥有龍王廟

忠義孝弟祠 在儒學內

崇祀姓氏附

周介之推 明宋之儔 任守清 劉佩 賀九思
閻思學 梁儀鳳 梁杞 劉英

王之度 吳珉 王寵 李亮 劉憲
張寶 閻思義 曹自強 關朝臣 王立賢

張諤 張詔 張誥
翟公佑 翟公忠

國朝 楊起麟 劉強 牛希顏 牛宗顏 王湛初

節孝祠 在邑東門內

崇祀姓氏附

周介之推母明張曹氏 尙段氏 張白氏
介之推妹 周崔氏 崔拱女 郭馮氏

宋喬氏 吳鄭氏 張房氏 閆田氏 燕武氏
王趙氏 周李氏 吳周氏 吳李氏 房耿氏

張房氏 田段氏 張吳氏 吳梁氏 閆曹氏
閆吳氏 趙王氏 王吳氏 劉李氏 王梁氏

張曹氏 楊任氏 程王氏
王牛氏 宋之偶女

國朝 田何氏 趙郭氏 李張氏 王馬氏 王劉氏

霍州

中鎮霍山廟

虞書傳曰中祀泰岳霍山貢兩箱之樂焉
夏伯之樂舞謾或其歌聲比中諸名曰初

慮義伯之樂無將陽其歌聲比大謠名曰朱干 前編
云禹冀州自有泰嶽今猶謂之霍泰山則堯都冀州

以秦岳為中岳 焦竑經濟編隋制祀四鎮冀州鎮霍
山 通志按鄭康成註周禮四望有五嶽四鎮四瀆後
世祀典祇有五嶽四瀆而無四鎮至是始祀之而又以
霍山為中鎮是為五鎮 唐貞觀四年立廟開元八年
三月封應聖公開成二年勅命重修刑部尚書鄭瀚撰
碑銘并序 水經云霍泰山廟鳥鵲不棲其林猛獸常
守其庭即此廟也 宋以土王曰祀霍山於晉州政和
四年八月戊寅封四鎮山為王 紹興中祀中鎮位樂
歌云禹畫九州河內曰冀霍山崇崇作鎮積勢我祀如
何百昌旨味承神燕姁諸神畢至 金大定十七年有
司以殿宇傾毀具文申請遂賜錢一十三萬委官復新
之每歲土極之日差顯官一員暨所屬備禮禋祀廟側
有崇勝院特委僧一員歲主其事二十八年縣令仇守
中撰重修廟記貞祐之亂河朔神祠無不灰燼而霍山
廟獨存中書省左司郎中李植暨府官張仲良等重修
劉祁撰記 元成宗大德二年二月加封中鎮霍山為
崇德應靈王勅有司歲時與嶽瀆同祀 至元三年定
祀典以六月中嶽鎮土王日祀霍山於平陽府界歲祀

銀香盒一重二十五兩銷金幡二鈔二百五十貫惟登
寶位祭告加銀五十兩中統鈔二百五十貫明洪武
二年正月十五日庚辰中鎮霍山之神遣楊瑩然賣金
香盒一具重十六兩以三月初六日祀於祠下撰勅賜
中鎮記命有司春秋肅祀每遇改元暨兵荒仍遣官祭
告建文元年二月癸亥鴻臚寺序班周敖國子監生袁
綱奉命以香幣牲醴祭告中鎮勒文於碑永樂四年秋
七月征安南遣官祭告景泰元年遣吏科給事中喬毅
致祭六年遣都察院右僉都御史蕭祇致祭天順元年
遣戶科右給事中李錫致祭成化二十年遣禮部左侍
郎兼翰林院學士徐潛致祭正德六年遣山西布政司
右叅議夏景和致祭嘉靖十一年遣平陽府霍州知州
王子謹致祭二十三年遣山西巡撫王崇祭告三十五
年山西地震遣戶部左侍郎鄒守愚致祭四十年遣山
西巡撫楊宗氣致祭

國朝順治八年遣官致祭

諭祭文曰惟神巒倚龍門峯盤太嶽竦汾挹絳育物福民
朕誕膺

英

命祇荷神庥特遣專官用申殷薦惟神鑒焉康熙六年二十一年胥遣官致祭二十三年遣官致祭

諭祭文曰惟神協尊嵩室時鎮岳陽坤極宅中萬類滋大朕祇承神祐考禮時巡特遣專官用申殷薦神其鑒焉二十七年遣官致祭

諭祭文曰惟神鍾奇觀阜作鎮中岳澤沛山河功符二室朕纘承祖宗丕基虔恭明祀茲以

皇祖妣孝莊仁宣誠憲恭懿翊天啓聖文皇后神主升附太廟禮成特遣專官用申秩祭惟神鑒焉三十五年遣官致祭

諭祭文曰惟神高峙嶽陽尊同嵩室靈爽孔赫作鎮中區朕勤恤民依永期殷阜邇年以來郡縣水旱間告年穀歉登早夜孜孜深切軫念用是專官秩祀冀雨暘之時君庶稼穡之屢豐惟神鑒焉三十六年遣官致祭

諭祭文曰惟神靈標顯赫位鎮中央衍澤橫汾齊名泰嶽朕以勦除狡寇三屢遐荒期掃邊塵乂安中外今者祇承神祐塞北永清用告成功專官秩祀惟神鑒焉四十二年遣官致祭

諭祭文曰惟神望重八紘功齊二室威靈丕赫作鎮中方
朕祇承休命統馭寰區夙夜勤勞碑思上理歷茲四十
餘載今者適屆五旬海宇昇平民生樂業見輿情之愛
戴沛下土之恩膏特遣專官虔申秩祀尙憑靈貺益錫
藩禧佑我國家共登仁壽神其鑒焉又頒

御書秀峙中區匾額懸正殿內五十二年遣官致祭

諭祭文曰惟神德配高高位侔衡岳靈威有赫作鎮中邦
朕纘受鴻圖撫臨區宇碑思上理夙夜勤承惟日孜孜
不遑遐逸茲御極五十餘年適當六旬初屆所幸四方
寧謐百姓乂和稼穡歲登風雨時若維庶徵之協應爰
秩祭之虔修特遣專官式循舊典冀益贊熙之運尙
永貽仁壽之庥俯鑒精誠用垂歆格五十八年遣官致
祭

諭祭文曰惟神位正岳陽鎮標山右占雲降澤挺秀呈祥
朕纘承

祖宗丕基虔恭明祀茲以

皇妣孝惠仁慈端懿純德順天翼聖章皇后神主升祔
太廟禮成特遣專官用申秩祭惟神鑒焉雍正元年遣官致

祭

論祭文曰惟神德配蒿高位侔衡岳靈威有赫作鎮中邦
朕纘受丕基繼承景命竊念

皇

考磨圖以來百靈效順四海從風坐享昇平六十餘載茲
當嗣位之始宜隆祀享之儀特遣專官虔申昭告惟冀
時和歲稔物阜民安淳風徧洽乎寰區厚德長敷於率
土尚其歆格鑒此精誠雍正十二年知府章廷珪督同
知州張允觀加修雍正十三年遣官致祭

論

祭文曰惟神德婉嵩高奇標天柱永昭奠定統馭中區
朕纘承大統仰紹前徽伏念

皇

考臨御以來敬禮明神肅將禋祀靈祇孚應昭受鴻庥清
宴奠安茂登上理茲當嗣位之始宜隆望秩之儀特遣
專官虔申告祭惟冀雨暘時若年穀順成萬方蒙樂育
之庥兆姓荷帡幪之德尚其歆格鑒此精誠乾隆元年

二月初八日奉

旨修葺殿宇

介之推廟 在安樂村高崗上有碑記

唐太宗廟

在杜莊村又州城東北有先鋒臺州東三十里有神指土徑橋開元禮太宗廟配享有

贈司徒申國文獻公高士廉貞觀二十三年九月二十四日勅

商山廟二

一在東關一在白龍村西崗

聖王廟

在城東南高阜

碧霞元君廟

在東北三里明嘉靖二十六年儀賓喬惟鸞建劉熙撰記

龍王廟三

一在玉皇廟有池名龍池溝進士張昌記一在東王村一在小澗村各有碑記

帝堯祠

在霍山陶唐谷相傳堯避暑地宋建玉泉寺明嘉靖三十六年知州褚相建祠肖像春秋祭祀

有碑

記

宋老生祠

在東二里明成化八年知州鮑克恭建於墓前有宋張商英詩碑

曹學正祠

祀明霍州學正曹端深明理學教人務實踐識者謂曹之學行在吳康齋與弼之右學者

稱月川先生後調蒲州學正霍諸生上章留之蒲諸生亦上章爭之霍州先得允遂留霍諸生立祠祀之今蒲

州亦有祠

忠義孝弟祠 在儒學內

崇祀姓氏附

國朝

石振坤 胡抒忠 安彭年 周鋤衮 成文耀
薛 璉 任道統 安修已 成 均 安養已

喬必亨 薛 璉 衛 謙 劉恒耀 張 習
崔廷瓚 晁 著 薛 洛 閻吉兆

節孝祠 在太清觀東

崇祀姓氏附

國朝

楊程氏
安喬氏

石郭氏
張任氏

周朱氏
翟李氏

張朱氏
薛王氏

劉姜氏
朱馬氏

國朝

楊程氏
安喬氏

石郭氏
張任氏

周朱氏
翟李氏

張朱氏
薛王氏

劉姜氏
朱馬氏

楊程氏
安喬氏

石郭氏
張任氏

周朱氏
翟李氏

張朱氏
薛王氏

劉姜氏
朱馬氏

楊程氏
安喬氏

石郭氏
張任氏

周朱氏
翟李氏

張朱氏
薛王氏

劉姜氏
朱馬氏

楊程氏
安喬氏

石郭氏
張任氏

周朱氏
翟李氏

張朱氏
薛王氏

劉姜氏
朱馬氏

楊程氏
安喬氏
石郭氏
張任氏
周朱氏
翟李氏
張朱氏
薛王氏
劉姜氏
朱馬氏

楊程氏
安喬氏
石郭氏
張任氏
周朱氏
翟李氏
張朱氏
薛王氏
劉姜氏
朱馬氏

楊程氏
安喬氏
石郭氏
張任氏
周朱氏
翟李氏
張朱氏
薛王氏
劉姜氏
朱馬氏

